



Меням Кудымкар

2012

ПЫТШКӨС

Одзкыв	4
Кыз уджавны небөгөн	6

Медодзза тор. Менам кар

Кудымкар страна карта вылын	8
Карлөн менам аслам карта	10
Менам меддона местаэз	12
Уналө төдса карись оліссез	14
Кудымкар — уна национальносттеза кар	16
Кар вежсьö	18

Мөдік тор. Важ кадся постройкаэз

Архитектура да сьлөн роль	24
Вичкуэз	30
Кудымкарлөн медбасöкыс	32
Кытшöм строитчан материалсь	
Кудымкарын керöны керкуэз	34
Кыз строитчис кар	40
Музей	48
Кар улицаэзлөн дон	50
Бöрйöм пассэз	53





Куимӧт тор. Зелёной кар

Гӧрд керӧсок	56
Гӧрд керӧсокӧн дон	58
Карись парккез да скверрез	61
Шоччисян база «Сказка»	64

Нӧльӧт тор. Ловья кар

Ӧтласа местааз	68
Кудымкарын босьтасьӧм	70
Музыкальной кар	72
Интересной культурной событиеез	74
Театр	78
Челядь понда кар	80
Здоровой кар: спорт	82

Витӧт тор. Карӧн будденез

Промышленность	86
Кудымкарын предприятиеез	87
Карись транспорт	90
Энергияӧн источниккез	94
Ёг	96
Правильной очакыввез	100
Содтӧт понда юӧррез	104





Бур лун,!

ГИЖ АССИТ НИМ

Менө шуоны Оша-Миша. Ме аскодьом ошпиянок. Ме кужа баитны. А эшө, висьтала гусьон, нач ог радейт ма. Медөддьон пым йөлөн, көдө тшөктө юны мамө шогалкө. Фу, кытшөм нечөскыт! И кин думайтис сэтшөм гудырсө? Меным сьөлөмви пым, рөмсялөм блиннэз сгущёнкаөн. Колө висьтавыны, ме төда карсиным өтик кафе, көдаын пөжалөны медчөскыт стряпня. А сідз-ту ме уна мый төда Кудымкар йылись. Эд ме прапраправнук самөй сия ошлөн, көдалө карись площадь дынын сувтөтөм памятник. Сия сулалө Кудым-Ош богатырь коккез дынын, көда пондөтис строитны миянлись тэкөт кар и велөтис коми-пермяккөз лыйсыны ньөвсянь, көдзны рудзөг да нельки вөравны вөрмөссэз вылө. А эшө менам прапрапрадедө рисуйтөм Кудымкар герб вылын! Адззан, кызз сия — вына, неполись — мунө одзлань?!

Менам бабө висьтасьлис, что миян предокным вөлі рам да некөр некинкөт эз лөгавлы. Ежели тэ төдан бы Кудымкарыс йылись унажык то лөсьөт сумка. Лөсьөтам путешествие! Дзир сгущёнкасө эн вунөт сьөрат пуктыны.



Кытшөм сэтшөм путешествеиө тэ, чукыль кок, коран челядсьө?! Лешак тэнө босьт! Куйлы аслат ошпозын да нима в лапатө. А ті, том кошшисиссез, пукаліт бы горттэзаныт асланыт компьютеррез сайын. Талун мода видзөны — нем не керны, нето мыйкө небурө керыштны. Шуам, сов туйө совдозө сахар пуктыштны. Вот серөм петас!



@ Чуддэсö не весь шуисö сідз. Нылö гленитчö чудитны. Думайта, сiя лоас рамжык, ежели тэ сылö думайтан ним. Вот вөрöтышт веммезнат, ежели бы тэнö некыдз эзö шуö, то тэ бы тожö, натьтö, вöлин вреднöйöн. Ысты ассит предложеннэзтö мян электроннöй адрес вылö.

Кыдз уджавны небөгөн

**Мед мунны путешествеиё,
тэныт колё съорат босьтны:**

- этё небөгсё;
- альбом нето чертитчём понда кынымкё гижёт лист;
- быдкодъ рёма карандашез, төчитчан, ручка;
- фотоаппарат нето мобильной телефон,
көднөн позьё керны кынымкё снимок;
- бытшём көмкөт;
- сёян да юан.

**Тэныт ковсяс тшөка листавны небөгсё.
Мед тэ эн өш листбоккез вылас,
видз төдвылат энё бөрийём пассэзсё:**



эстён вөлі Оша-Миша



эстён вөлі Чуд

- » стр. листөвт мыччалём листбок вылө.
Сэтчин тэ верман унажык төдны эта морт йылісь,
керку нето места йылісь.
- @ ысты очакыв сетём юасьём вылө электронной почтаёт.
Почтовой яциклөн адрес: **kniqa@permikomi.com**.
Медбур очакыввес лоасё публикуйтөмось
«Кудымкар. Культура вежан кад» программалөн
веб-листбок вылын **www.permikomi.com**.
- ? юасьёммес вылө очакыввесё, көдна мыччалөмось
этөн паснас, тэ верман адззыны небөг помын.

Медодза тор
Менам кар

Кудымкар



Кудымкар страна карта вылын



А тэ төдан, что

- Кудымкар — өтік кар Коми-Пермяцкөй округын и сылөн столица.
- 2010 годся населеннөс Всероссийскөй гижөтөм сьөрти Кудымкарын олөны 28 984 морт.
- Кудымкар пыртөм Россияись историческөй да памятной местаэза списокө.
- Кудымкар кыкись — 2007 да 2011 годдэзө вөли Пермскөй крайись культуралөн центрөн.




А төдан я тэ, что невеста кошшөм понда Кудым-Ош ветлис ылө Сибирьө? Сія уйис юэз кузя, муніс подөн тшөк вөррез пыр да зыбуна нюррезөт. Сэтчин, кытөн өні Ханты-Мансийскөй округ, коми-пермяцкөй богатырь панталіс басөк вогулка (манси) Костөөс. Сія лоис сылөн иньөн да нүжөтіс одзлань коми-пермяцкөй род.



Владивосток
8039 км

- ❓ Коми-пермяккез — Россияын олісь финно-угорскöй народдэз коласісь öтік народ. Неылын Кудымкар дынсянь Ижевск карын олоны удмурттэз, Сыктывкарын — комиэз, Йошкар-Олаын — мариеццез, Петрозаводскын — кареллэз. Финнэзлөн, эстонеццезлөн да венгррезлөн территория Европаын. Кытшöм эшö финно-угорскöй народдэз тэ тöдан? Кытöн ния олоны? Мыччав карта вылын каррез, кытöн ния олоны.
- @ Книга идеялөн автор Эстер Тот оло венгерскöй карын Печ. Мед локны Кудымкарöдз да висьтасьны аслас книга йылісь, Эстерлö коліс мунны 3000 километр! Медодз сія лэбзис самолётөн, сыбöрын муніс поездөн,сэсса локтіс автобусөн. Вовлоны я тэ дынö ылісянь гөссез? Кытшöм транспортөн? Мыччав нылісь туйсö карта вылын. Эн вунöт ыстыны висьт ны приключеннэз йылісь миян электроннöй адрес вылö.



Карлөн менам аслам карта

Баитоны, что карта вылын Италия мыччассьо кызд сапог. А мый казьмөтö тэныт Кудымкарлөн схема? Сыбörсянь, кызд карлись микрорайоннэсö Ошпиянок мичөтис быдкөдь рөммезөн, сiя казялис мороженöйөн стаканок.



Торйөт карлөн карта вылын тöдса микрорайоннэз.

- Карлөн шөр
- Быстрöй
- Филичи
- Больничной городок
- Заболотной
- Климово
- Восточной
- Аэропорт
- Кирзавод
- Нахаловка
- Юрино



Эшö неважын эна микрорайоннэз местаын вöлисö депревняоккез. Көр Кудымкарыс ыждис, нiя öтлаасисö ськöt. Öннiя карлөн тор челядльон поликлиника дынсянь драмтеатр дынöдз вöли деревня Бабина, Хорошева улицася улынжык, Иньва берег дорын, вöли деревня Ярково.



Филичи, колö висьтавны, одзжык шусьывлис Пиличи. Коми-пермяцкöй кыв вывсянь вуджötсьö кызд «родвужлөн пас» нето «клеймо». Сэтшöм пассö быд семья сувтötлис аслас посуда, паськөм да оружие вылö. Эта вöли кызд бы родвужлөн герб. Гарйисикö археологгез адззисö карлөн эта микрорайонын уна сэтшöм пассэз, кöдна кольчöмась важся-важ племя сьöрись. Бөртiжык Пиличисö пондiсö шуны Филичийөн.



Менам дона местаэз


Тэ адзган книга листбок вылас ош лапалісь коктууй?

Рисуйт эта след шёрын керку, кёдаын тэ олан.

«Подушечкаэзас» — нійё керкуэсё да местаэсё, кытчö частожыксö тэ ветлан — школа, спортивнöй секция, радейтана кафе, челядь понда площадка нето магазин. Эта бöрын мыччав, кыз тэ вовлан эна местаэзöдз — подöн, автобусöн, велосипедöн, а поди, вайöтлöны тэнö айыт нето мамыт асланыс машинабн? Эн вунöт мыччавны энö керкуэсё кар карта вылын.



Ме школаö ог ветлы. Менам медбур местаэзö — керку да булочнöй. Öддьон радейта завтрак коста сёйны булочкаэз пвидлоөн.



Карись уналö тöдса оліссез

Лок пырышлам городскöй администрацияö. Эта керку, кöдаын кабинеттэз карись да администрацияись юраліссезлөн.

Нія веськөтлöны миян карён.

Вайөт тöдвылат, что администрацияын эм вöвлытөм жыр. Сія öддьөн ыджыт, и коть абу öшыннэз, югыт. Потолокас öшалöны куйм хрустальной люстра, а стенаэз вылын — быдкодь морттэзлөн портреттэз. Тэ тöдан кинöскö ны коласісь? Мыйөн неöткодьöсь эна отирыс мөдік морттэзкөт? Мый нія керисö Кудымкар понда?

Голев Леонид Дмитриевич (1925–1980 гг.)

Сія повтөг воуйтис Великой Отечественной войны коста фронт вылын (1941–1945 гг.) да получитис Советскöй Союзлөн геройлісь званнө. Война бöрын занимайтчис спортөн, сылө сетисö самбоөн пессьöмын спорт сьöрти мастерлісь званнө. Уджалис Ленинградісь да Пермись университеттэзын тренерөн. Сы отсөтөн пондіс уджавны Кудымкарын самбо да дзюдо пессьöм сьöрти секция.

стр. 104 >>



Коркин Василий Алексеевич (1892–1979 гг.)

Сія уналö тöдса врач, лоис трахомакөт пессьöмын пондөтчисьөн (синнэзлөн инфекционнöй шогөт). XX векся нельдасөт годдэз коста сы инициатива сьöрти вöлі строитөм кыксувда кирпичісь керку, кöдаын пондіс уджавны окружнöй поликлиникалөн синнэз лечитан отделеннө. Öні синнэз лечитан диспансер новйö сылісь ним.



Котельникова Анна Георгиевна (1915–2004 гг.)

Сія миян окружнöй драматическöй театрись уналö тöдса актриса, Россияись народнöй артистка. Анна Гергиевна югьяліс сцена вылын витдас годся унажык. Сія орсис четыреста рольын. Сы нимөн учредитөм премия медбур артисттэз понда.

стр. 78 >>



Кривощёков Иван Яковлевич (1854–1916 гг.)

Сія вöлі медодзза коми-пермяцкöй учёнöйöн, лöсьöтис Пермскöй губерниялис картаэз. Иван Яковлевич пондöтис садитны Кудымкарын медодзза парк. Боярышник, таволга, серебристöй тополь, клён, кыз, ниапу, сыспу учёнöй закажитлис Казанис питомниккезын. **стр. 61 >>**



Лихачёв Михаил Павлович (1901–1937 гг.)

Михаил Павлович öтлаын мöдиккезкöt аркмötис коми-пермяцкöй письменность, вöли коми-пермяцкöй кыв вылын челядь да ыджыттэз понда учебниккезлөн авторөн да составительöн. Сія медодз пондис гижны коми-пермяцкöй кыв вылын кывбуррез да проза. Медтöдчанаөн сы творчествоын вöли роман «Менам зон», кöда бöртжык, 1960 годö, вöли вуджötöm роч кыв вылö «Мирош, мирской сын» ним увтын.



Субботин-Пермяк Пётр Иванович (1886–1923 гг.)

Пётр Иванович – уналö тöдса художник. Пермын, Кудымкарын да Кунгурын сія осьтис художественно-промышленнöй мастерскöйез. Сія отсалис аркмötны миян карын краеведческöй музей. **стр. 48 >>**



Мыччав карта вылын улицаэз, паркаэз да керкуэз, кöдна шуёмöсь уналö тöдса отирлөн ниммезөн.



Киннэзöс уналö тöдса отир коласись, кöдна олöны öнняя кадö Кудымкарын, тэ тöдан? Мыля ния лоисö уналö тöдсаэзөн? Кинлис портретсö тэ öшötин бы миян галереяö? Ысты ассит предложеннээз миян электроннöй адрес вылö.

Кудымкар — уна национальностя кар

Кудымкарын олоны быдкоть национальностя отир, кызд и мян ыджыт странаись мөдик каррезын. Медунаыс оліссез коласын — коми-пермяккес да роччез. Эмось мян коласын и украинецез, белоруссез, татара, азербайджанецез, грузиннэз да мөдиккес.

Талун Кудымкарын позьё пешлыны быдкоть народдэзлісь национальнөй сёян — пистикись коми-пермяцкөй пирөггез, турецкөй шаурма, японскөй сушиэз, итальянскөй пицца, украинскөй шыд, роч блиннэз, армянскөй лавашшез. Кытшөм народдэзлөн сёян тэныт сьөлөмви? Кызд шусьоны ния сёяннэс?



Кытшөм народдэз мыччалөмось рисуноккес вылын? Мыля тэ сідз думайтан?

Татара
Белоруссез
Роччез
Коми-пермяккес
Украинецез



А ме өддьөн радейта традиционнөй татарскөй чөскыт сёян чак-чак. Сия сэтшөм бытшөм көра! Мукөдкоста меным думайтсьө, что сийө керöны не татара, а чуддэз. Карс, карс, карс...



А тэ төдан аслат семьялісь история? Пыр я тэнат ай-мамыт, деддэзыт да баббезыт олісө Кудымкарын? Нето ния локтисө мөдик каррезись? Гиж эта йылісь висьт да ысты сийө электроннөй почтаөн.



Ті дзир кывзё, мый ме лыддьоти история сьорти книгаэзын! 1579 годё, населеннёс медодзза гижёммез коста, Кудымкарын пантасьлісö ниммез — Рака, Чача, Варыш, Куим, Май, Юк. Сэк оліс эстөн коренной населенне — коми, сійөн и ниммес вөлісö сэтшөмось. Öні сэтшөм шоча пантасьлан ниммесö он пантав. Öнняя ай-маммез шуöны ассиныс челядьнысö Анастасияэзён, Дарьяэзён, Екатеринаэзён, Ольгаэзён, Александррезён, Данииллэзён, Константиннэзён, Николайезён. Но пантасьлөны и экзотической ниммез — Сабина, Элина, Эрика, Алмаз, Ибрагим, Оскар.



Кудымкарсö пондөтис важ коми увтыр. Сійөн кар, юэз да матісь деревняэзлөн ниммезын видзсьöны важся-важ кыввез. Роч кыв вылö вуджөтöмнас Кудымкар лоö «Кудым-Ошлөн кар». Но мукöд учёнйез лыддьöны, что карыслö нимсö сетіс Кува ю, кöда одзжык шусьвлөм Кудва.

Иньва юлөн нимыс вуджөтсьö кыз «инькалөн синва». Эм легенда, что öтпыр вöрын увтырись вöралісь мужиккез вылö уськөтчöмась врагез. Почти быдöс вöраліссес вөлөмась вийöмось. Инькаэс сэтшөм дыр, пальөттöг да дугдывтöг горзöмась мужиккезныс, воннэзныс да зоннэзныс понда, что ны синвайсь шогмөм-өксьöм ю.

Вежсьём кар

Видзёт ас вылат зеркалоё. А сэсся босьт ассит медодзза фотография, кодаын тэнат ай-мамыт фотографируйтёмась одеялоё каттьём учотик кагаокос, кодо вайотёмась чужтисян керкуись. Эм неёткодъыс? Тэ нач мөдкодъсялін! Кад, мода, событиеэз вежоны мортсё. Сідзжэ и быдос гөгорись. Дзир видзотышт миян кар выло картинкаэзись, кодна керомось уна годдэз эта вотөдз. Төдан я тэ энө местаэсö?



Кытшөм эта места?

Кытшөм сiя өнi? Мыйын неёткодъыс?

.....

Төдан я тэ вежсьөммезлiсь причинаэз? Буррезөн или умөллезөн позьö шуны энö вежсьөммезсö? Мыля?

.....



Кытшом эта места?

Кытшом сія öні? Мыйын неёткодъыс?

.....

Тöдан я тэ вежсьöммезлісь причинаэз? Буррезöн
или умөллезöн позьö шуны энö вежсьöммезсö? Мыля?

.....

Унася-уна перепланировкаэз бöрсянь Строгановвезлөн көркöся окружнöй управленнёлөн зданнэ нач вежсис. Öні, кызд тэ, натьтö, казялін ни, абу параднöй пыранінлөн теремись кодъ посöдз, строитöймось содтöм этажжез. Кар история сьöрті книгаэзын гижöм, что медодзза планировкаыс вöлөм анфиладнöй, мöднөж шуны, вöлөм öтамöдкöt йитсян жырреза система. Öння кадö полициялөн зданнөын керöм коридорно-кабинетнöй система. Но ежели кө тэ пыран пытшкас, то казялан Строганов граффез веськөтлан кадсянь кольччöм штукатурнöй карниззээ, потолочнöй розеткаэз, важ горрезлісь тöдчан местаэз.



Кытшом эта места?

Кытшом сия öни? Мыйын неöткодъыс?

Тодан я тэ вежсьöммеэлись причинаэз?
Буррезöн или умöллезöн позьö шуны энö
вежсьöммеэсö? Мыля?

Кытшом эта места?

Кытшом сия öни? Мыйын неöткодъыс?

Тодан я тэ вежсьöммеэлись причинаэз? Буррезöн
или умöллезöн позьö шуны энö вежсьöммеэсö? Мыля?






Колө я тэныт, медбы миян карын кытшөмкө керку вежсис? Мыля?
Рисуйт сійө эта листбок вылө. А ордчөн рисуйт сійө, кытшөм лоас
керкуыс вежсьөм бөрын.

ЭТА ВОТӨДЗ

СЫБӨРЫН



Тэ тōдан, что мян карын эмōсь «баитісь» улицаэз да районнэз? Ны ниммезісь позьō кокнита вежōртны, мый нын эм. Кыз тэ думайтан, мыля этна улицаэс, переулкокес да микрорайоннэс сідз шусьōны?



Переулк Детскōй

.....



микрорайон Кирзавод

.....



Больничнōй городок

.....



Студенчeskōй улица

.....



Набережнōй улица

.....



Дачнōй улица

.....



Автозаправочнōй улица

.....



Ох, тэ и дивитін! А тōдан я тэ, Ош-Быдōс Тōдїсь, что улицаэз коласїсь карас отїк шусис Тракторнōйōн? Оні сїя шусьō Советскōй Союзлōн герой Г.И. Братчиков нимōн. А Лихачёв нима улица одзжык шусьывліс Крестьянскōйōн, Максим Горький нима улица — Торговйōн, Октябрьлō 50 год нима улица — Севернōй Коммунаррезōн.

Мөддэз тор
Чулалом годдэзся
постройказ



Архитектура да сълөн роль

Керкуэз овлöны быдкoдьöсь — асланыс форма сьöрти, веввöрныс сьöрти да колöмныс сьöрти. Сысянь, мый понда колöны, нийö позьö юкавны олан, общественной да коммерческой постройкæз вылö. Ежели тэ локтан тöдтöм карö, то керкулөн вевдöрыс сьöрти верман тöдны, мый сыын эм.



Видзöт рисуноккæз вылö. Кыз тэ думайтан, кытшöм эна постройкæз? Эмöсь я Кудымкарын вачкисьлана керкуэз?

Олан керкуэз
Сэтчин, кытöн
олöны отир.



.....
.....
.....
.....



Адззы карын медвылын керку. Кыным сыын этаж?
 Ответсö ысты электроннöй почтабт.




Тэ казьявлн, что мукöд керкулөн Кудымкарас эм ассяма энергетика (вын)? Ме абу полсь вөрпи. Но менам полём петö, например, пырны Коми-Пермяцкöй округлөн делозз сьöртн зданнёö. Сыын эм министрлөн кабинет! Мый тэ чувствуйтан, көр мунан Министерство дынöt? Кытшöм чувствооз тэнат шогмöны, көр тэ сулалан вичкулö паныт?



.....

.....




.....
.....



.....
.....



.....
.....





.....
.....
.....
.....

Общественной керкуээ

Ныын отир уджалоны,
нето чулөтөны шоччисян кад.
Ны дынө относитчөны офиссээ,
театррез, библиотекаээ,
музейез.



.....
.....



.....

.....





.....

.....

Коммерческóй керкуээ

Сэтчин отирыс уджалóны. Ны дынó
относитчóны фабрикаээ да заводдээ,
вузасян центррез да магазиннээ.

.....
.....
.....
.....



.....
.....
.....
.....
.....

Вичкуээ



Кудымкарын эмось торья общественной местааз, кытчө отир веллөны юрбитны Енлө. Этö вичкуээ.



- Николай Чудотворец нима православной вичку
- Евангельской Вераись Христианалон «Виль завет» нима вичку
- Сизимот лунся Адвентисттээ Христианалон Вичку

Мирын уна эмось веритиссезлөн чукортчөммез. Овлө, что отир веритоны отик Енлө, но сы коста жö асьнысö видзöны неоткодь правилозз сьöрти, не отмоза вежөртöны Библиялись текст. Кудымкарын эмось веритиссезлөн неотик чукортчөм. Тодчанаэз ны коласын — православнойось да протестантскойось. Тэ кывлин мыйкө православие да протестантизм йылись? Мыйон этна кык туйдöтыс неоткодьось? Юав ай-мамытлись.

?

Кудымкарын эм православной вичку — этö Николай Чудотворец нима вичку, да кынымкө вичку протестантскойось — Евангельской Вераись Христианалон Вичку «Виль завет», Сизимот лунся Адвентисттээлөн Вичку да мөдиккез. Ния занимайтöны не отик керку. Протестанттэс, например, енлө юрбиттон пукалöны кузь пуовой лабиччез вылын, кывзöны пасторлись проповедь, сьылöны гитара да фортепиано орсөм увтö христианской гимннээ. Нылө оз ло важнойон, кытшөм вевдöрыс храм зданнелөн. Православной храмсö пыр строитöны кызд крест (перна), кызд корабль, кытш, нето кыкьямыс пельöса кодзув. Адззы рисунок сьöрти вичкулись ним.



Сизимӧт лунся Адвентисттээ Христианалӧн Вичкуын аркмӧтӧм челядь понда клуб «Следопыт». Клубись зоночкаэзлӧн эм асланыс форма. Гожумӧн и тӧлӧн ния ветлӧтӧны походдээ, велӧтчӧны лӧсьӧтны бипур вылын сӧян, сувтӧтлыны палаткаэз, ориентируйтчыны карта сьӧрті. Велӧтан уроккез бӧрын челядь сетӧны экзаменнэз. Нылӧ оз сувтӧтлӧ оценкаэз. Экзаменнээсӧ бура сетӧм понда челядӧлӧ сетӧны пассэз (значоккез). Кыдз тэ думайтан, мый мыччалӧ крепитӧм ны форма бердӧ пасыс, кӧда вылын рисуйтӧм утюг?



Мый, мый?! И Лешаклӧ вежӧртана!
Зоночкаэз велӧтисӧ утюглись строеннӧ!



Баитӧны, что Николай Чудотворец нима вичку вӧлі строитӧм уналӧ тӧдса российской архитектор А.Н. Воронихин проект сьӧрті. Кытшӧм фигура вылӧ вачкисьлӧ вичкулӧн керкуыс? Адззы рисунок вылись архитектурной элементтээ, кӧднаись аркмӧм вичкулӧн керкуыс.

- луковичной купол
- колокольня
- циркульной ошыннэз
- вит граня апсида
- вичкулӧн тор
- трапезной



Христианство примитӧм вотӧдз коми-пермяккез юрбитлисӧ языческой еннээлӧ. Легенда сьӧрті, пуовой идоллэс вӧлісӧ Изъюр керӧс вылын. Нылӧ ваявлісӧ жертваэз, ны коласын и вираӧсь. Медтӧдчана еннас коми-пермяккезлӧн вӧлі Ен. Мукӧд языческой традицияэс олӧны отир тӧдвылын ӧнӧдз. Семик коста отир ветльвлӧны шойнаыб вылӧ, касьтывлӧны кулӧммезсӧ. Мукӧд деревняэзын копрасьӧны священной пуээлӧ, вӧрпиээлӧ, изээлӧ.

» стр. 75

Кудымкарлөн уналö тöдса местаэз



Мукöд керкуэз да местаэз карын
шусьöны достопримечательносттезөн.



До-сто-при-ме-ча-тель-ность. Но и думайтöмась жö
кыв! Öдва горötчан! Кытшöм жö этö сэтшöм местаэз
Кудымкарын, кöднаын позьö сто примечательность
лыддьыны? Ага, тöда! Культурно-Деловöй Центрлөн стена.
Сы кузя сэтшöм примечательносттезөн гижöмась, что етша
оз кажитчы!

Достопримечательность — этö места, кöда мыйöнкö уналö тöдса. Например, сэтчин олис быдöнлö тöдса морт, нето чулалис кытшöмкö историческöй событие. Достопримечательносттез заслуживайтöны торья вниманнö, сiдз кыз частожыксö ния получайтöны историялөн памятниклис статус да шедöны государство дорйöм увтö. И нийö некöр оз позь разьны! Кудымкарын лыддиссьöны архитектуралөн сизим да историялөн квать памятник. Ны вылö видзöттөн ми тöдам, кытшöм карыс вöли одзжык. И ежели относитчыны историялөн памятниккез дынö берегитöмөн, то этö пондасö тöдны миян правнуккез. Дзир вöрд, что локтас Николай Чудотворец нима вичкуö тэнат праправнук да шуас: «Эстөн венчайтчисö менам прадедö да прабабö!»

Историялөн памятниккез

1. Мемориал Кудымкарысь воиннэзлö, кöднö вийисö Великöй Отечественной войны годдэзö.
2. Керку, кöдаын олис Пётр Иванович Субботин-Пермяк.
3. Керку, кöдаын олис коми-пермяцкöй гижись Андрей Никифорович Зубов.
4. Керку, кöдаын уджалис советскöй разведчик, Кудымкар карын медодзза почётнöй олись Николай Иванович Кузнецов.
5. Окружнöй трахоматознöй диспансерлөн керку, кöдаын уджалис врач Василий Алексеевич Коркин.
6. Коми-пермяцкöй гижись Степан Иванович Караваевлөн шойна.

Эта керкуын оліс
Пётр Иванович
Субботин-Пермяк.



Керкуэз вылө, көдналөн эм
история нето архитектура
сьөрті памятниклөн статус,
пыр өшөтөны специальной
памятнөй пөв.



Архитектуралөн памятниккез:

1. Святой Николай Чудотворец
нима вичку. Вөлі керөм 1795 годө.
2. Строгановвезлөн окружной управленнө.
Вөлі керөм 1836 годө.
3. Кык класса мужской училище.
Вөлі керөм 1840 годө.
4. Административной керку «Комипермлес»
(өні эта керкуын Кудымкар карлөн
Администрация). Вөлі керөм 1959 годө.
5. Окрисполкомлөн административной
керку. Вөлі керөм 1940 годө.
6. Горком ВКП(б)-лөн административной
керку (өні эта керкуын музей).
Вөлі керөм 1953 годө.
7. Кува ю вылын электростанция.
Вөлі керөм 1927 годө.



Кытшөм керкуэз Кудымкарь тэныт охота, мед адззылісө
бы тэнат праправнуккез? Мыля тэ бөрйин энө местаэзсө?
Ысты ассит предложеннөэзтө электронной почтаөт.

Кытшом строительной материалісь Кудымкарын кероны керкуэз

Көр архитектор мөдө керны керку, сылө медодз колө бөрийыны, кытшом материал ковяс. Этасынь пондасө зависитны одзланься постройкалөн вевдöрыс да мый понда сія ковяс. Кытшом строительной материаллэз тэ тодан? Мыйись кером тэнат керкуыт?

Пу

Миян карын уна пуовой постройкаэз. Эта йитом ськөт, что Коми-Пермяцкөй округ богат вөрөн. Пуыс миян понда — меддоступнөй строительной материал. Сэтчө жө, сійө абу ськөкыт обрабатывайтны.




Строитом понда пыр босьтоны лыса породаэз — көз, пожум да ниапу. Кыдз тэ думайтан, мыля?



Мыля, мыля?!
Сійөн, что мөдік пуэзсө керавны оз позь. Нія гижөмось Гөрд книгаө.
Хи-хи-хи...



Олан пуовой керкуэз Кудымкарын, көдна строитөмось советскөй кадө, вачкисьлөны өтамөд вылө. Этө, кыз правило, өтік этажа керкуэз, көдналөн формаыс — прямоугольник. Öнi керкуэзсө өтöрсяняс дорöны пöввезöн нето сайдингöн. Крышасө вевттьöны шиферöн либо черепицаöн.



XIX векö коми-пермяккез керлісö керкуээсö мöднёж. Керкуыс вöлі кузя нюжалöм прямоугольник кодь. Öт джынас вöлі керку, мöдас — чом, а шöрас — посöдз. Крышасö керлісö пöввезісь. Керку дынас керлісö амбар, гид, гунна, öвин да баня. Öшыннэс вöлісö учöтикöсь, стекло туйö везöвтлісö мöссэзлісь вöснита керöтöм желудоккез да гаддез.

Керкусö басöксöтöм понда коми-пермяккез используйтлісö «зверинöй стильлісь» элементтэз — крышалісь конёккез керлісö вöв юр нето сюзь юр кодьöмöсь, öшын наличниккез выlö лöйивлісö петуххезлісь да юссезлісь фигураэз. Нія каддэзö морт копрасис вөр-валö да лыддис, что вөрпиэз да кайез вермöны дорйыны лёк выннэзсянь сьлісь керку.



Ветлöt карись улицаэз кузя да внимательнöя видзöt пуовöй керкуээзлісь вевдöрся отделка (басöксöтöм). Улынжык рисуйт наличниккезлісь быдкодь виддэз, кодна тэныт пантасясö. Кытшöм фигураэз выlö нія вачкисьлöны?





А тій тдат, мыля пыранінын ыбссээ осььоны оторлань?
Нія сідз тойыштоны-вештоны пыранін дынісь лёк выннээ.
Сідз одзжык лыддьывлёмась коми-пермяккез.

Коми-пермяцкэй керкулён пытшкся планировкаыс вёлём простой.
Медтдчана места занимайтлём гор. Сійо керлёмась руд сёйись.
Керкуын эз вөвлө кроваттез. Отир узылёмась пöлаттез вылын.
Пукавлёмась миян предоккезным не уютной креслоэзын, а
паськыт пуовой лабиччез вылын.



Коми-пермяцкэй керкуись гор сайын овлём Суседко.
Сія менам важся-важ родвуж. Ежели хозяиннээ мунлісö
виль керкуё, то корльвлісö сійö събраныс: «Суседушко,
воніньой! Лок мунам виль керкуё. Кыдз олім важ керкуас
бура да богата, сідз пондам овны и виль керкуас.
Тэ радейт менчим семьяёс да подаёс».
Мыля öні сэтшөм рама миянёс некин оз шу?



?

Коми-пермяцкэй крестьяна
оланкöt тдсасьöм бöрын,
художник рисуйтöм сійö
гижöt вылö. Но, кажитчö,
что сія сорасьöм.
Мый сія рисуйтöм не сідз?



Кирпич



Тэ тэдан куим учотик дзуюк йылысь история?

Ежели бы тэ вёлін сказкаись кёдакё эна геройез коласісь, то кытшём бы материалісь строитін аслыт керку? Мыля?

Ежели тэ бөрйин кирпич, то керин тправильнөя. Кпрпичсё керёны сёйись, а сыбёрын калитёны вылын температура дырни натодиль лёсьётём горын. Кирпичнас некокнит уджавны, но сія өддён крепыт и дыр кежё тырмё. Думайт вот ачит, медодзза кирпичись керку миян карын — Николай Чудотворец нима вичку — строитём кык сотня год эта вотёдз, и сія сулалё өнөдз!



Натётё, тэ кывлін, что мукёд витсувада, кирпичись керём керкуээ шусьёны «хрущёвкаэзён». Ме пыравлі Интернетё да тёді, мыйён эта йитём. Эттшём керкуээ, кёднаын өтлаётёмось санузел да учотик ком, пондیسё строитны Никита Сергеевич Хрущёв дырни. Сія вёлі 1953 годсянь 1964 годёдз Советскёй государстволён юралісьён. Чулалём веклөн сизимдасёт годдэзё Кудымкарын пондёны строитны бурсьётём планировкаа медодзза кирпичнөй керкуээ. Сэтшём керкуээісь квартираэзын — ком да жыррез ыджыт размераабсь, эмось балкон да лоджия.



А эшё «хрущёвкаын» өшын подушка увтын эм продуктаээ видзём понда шкаф. Тёвнас этё шкафсё бур хозяйкаээ видзёны холодильник туйё. А гожумнас сэтён олёны чуддээ. Не сэтшём жар!



Адззы карас медодзза кык этажа кирпичнөй керку, медодзза «хрущёвка» да бурсьётём планировкаа, кирпичись керку. Подсказка туйё используйте рисуноккез.

Гиж этна керкуээлісь адрессээ.

Юась, кытшём годдэзё ния вёлісё керёмось.






Быд керкулісь меряйт оськөввезён кузясө да пасьтасө.
Результатсө гиж улөжык.

Медодзза кык этажа керку

.....

Медодзза «хрущёвка»

.....



Бурсьотөм планировкаа кирпичной керкуыс Кудымкарын
лыддиссьө медыджытөн. Эта керкуын — 140 квартира!




Интересно, а мыля Кудымкарын абуось небоскрёббез,
а сулалёны дзир отамод вылө вачкисьлана вит этажа
керкуээ? Ме бы понді овны кинкө квартираын өкмысөт
этажын!

Фабричнэй стройматериал

Миян карын эмось керкуээ, кӱдна шусьӱны панельнӱйезӱн. Нийӱ стroitӱны готвӱй стroitельнӱй материалӱс, кӱдӱ керисӱ заводдззын. Сийӱн, что сьлӱн правльнӱй формаэз, да ния кокнитӱсь, нысь кокнитжык да чожжык стroitны. Ӑтик ны коласись — 50 лет Октября нима улица вылын, 37а вит этажа керку.



Эта модельлӱс кер копия гижӱт нето картон лист вылын. Вундышт сийӱ. Клеит. Панельнӱй керкуыс готвӱ!



Орсан «Вевдӱрсӱ исследуйтӱсь»

А ӱни орсам орсанӱ, кӱда шусьӱ «Вевдӱрсӱ исследуйтӱсь». Лӱсьӱт кынымкӱ гижӱт лист да быдкӱдӱ рӱма карандашез. Адззы карас керкуээ, кӱдна стroitӱмӱсь быдкӱдӱ стroitельнӱй материаллззись, пукты гижӱтоксӱ стена вылас да штрихуйт карандашӱн, сьбӱрын сравнит, мый шогмис. Кытшӱм стена вевдӱркӱт тӱныт гленитчис уджавны? Кытшӱмкӱт эз гленитчы? Мыля?


Кыз строитчис кар



Ух, тэ! Эта мый — эта кадлөн быльнэй машина? Кызз бы ме вёла көркөся кадын да өннө кадын... Поди, ветлам вунётчыны не позян путешествие, кызз «Бөр одзланьё» фильмын?



Лешак тэнё босьт! Мунам-гөнитам!



Медодзза сувтчӧм 40 тысяча год гӧгӧр эта вотӧдз

Видзӧт эта тоша морт вылӧ, кӧда пасьтӧтӧм вӧрпи кучикӧ. Эта кроманьонец. Сидз шуӧны ӧння мортлӧсь одззся представительӧс, кӧда оліс 40 тысяча год эта вотӧдз. Археологическӧй кошшисьӧммез мыччалісӧ, что эта кад гӧгӧрӧ кроманьонецез локтисӧ Коми-Пермяцкӧй округлӧн ӧння территория вылӧ. Кроманьонецез вӧлісӧ бур вӧраліссезӧн. Вӧралӧм понда нӧя керлісӧ аслыныс ёся йыла копъёз, чери кыйӧм понда — гарпуннэз.



Фантазируйтышт да рисуйт кынымкӧ вӧрпи да чери, кӧдна олісӧ 40 тысяча год эта вотӧдз и вермисӧ лоны мян предоккезлӧн добычаӧн.



Мөдiк сувтчөм VII век

Кува юлөн шульга берег вылын, важся-важ племялөн олан местаын, шогмис Кудымкарскöй городище. Легенда сьöрти, сийö аркмөтiс Кудым-Ош. Көр коми-пермяцкöй богатырь решитiс строитны Изъюр вылын кар, сiя йöрйис керөссö мувöй валлэзөн да пуовöй йөрөн. Важ городище увтын вöли муыс 3000 квадратнöй метр мымда. Сы ыжда öннiя футбольнöй поле!



Ме ог вермы висътавны кыввезөн сы йылись, мый чувствуйта, көр сулала Краснöй горка вылын, кытөн көркö Кудым-Ош аркмөтiс миянлись кар. Көр ме видзöта Пармаись просторез вылö, то адзза ачимöс коми-пермяцкöй богатырьөн да вежөрта, мыля аслас племя понда сiя бöрйис сэтшөм басөк да бур олан места.




Кызд öлис Кудым-Ошлөн родыс да мыйөн занимайтчис, мийö тöдам Изъюр вылын археологическöй кошхисьöммез чулөтöмись. Миян предоккез кужисö сылөтны көрт, бронза да медь. Керисö этна металлэзись украшеннөез, паньбекөр да оружие. Нiя вöлисö кужись мувöдитиссезөн. Этa йылись висъталöны адззöм шомсялөм идлөн да шогдiлөн сy туссез, көртөвöй вөркеран чер. Нiя вөралисö да кыйисö чери.



Интересно, что кайез вылö вөралөм понда миян предоккез применяйтлисö вожа наконечниккез, а вөрпи вылö — ньöвьёссез тупöй поммезөн. Тэ верман объяснитны мыля?



Мыс вылын, ордчөн Изъяюркөт, вөлі көркөся шойнаыб. Инькаэзс дзебөм шойнаэзын археологгез адззисө уна украшеннээз, көдна вылын вөлісө лөсьөтөмөсь быдкодь животнөйез. Украшеннээзыс вөлісө көсичаө кытшшез, горалан подвескаэз, доннээз. Этна каддээö морт копрасис вөр-валө да лыддис, что вөрпиэз да кайез вермасө дорйыны сійө лёк выннээсй. Сэтшөм украшеннээз да бытись быдкодь торыс относитчөны Пермскөй «зверинөй стиль» дынө.



Археологгез лыддьөны, что Пермскөй «зверинөй стились» украшеннээсö керлісö инькаэз, сідз кызд литейнөй формочкаэз вөлісö адззөмөсь инькаэзс дзебөм местаэзись.



Кытшөм животнөйез мыччалөмөсь этна предметтэ вылын?




Кытшөм этна предметтээз? Кызд, тэнат мненнө сьöрті, ния используйтчисö?

- бляха
- пань
- сынан
- елыкытшшез
- подвеска



Кошшисиканыс археологгез адззисö лыись амулеттээз, көдна вөлісö керөмөсь животнөйезлөн пискөтлөм клыккээсй. И кызд тійө думайтат, кытшөм вөрпилөн ния вөлісö? Конечно жö, ошлөн! Эд сылө коми-пермяккес копрасисö кызд вөрлөн хозяинлө.





Куимӧт сувтчӧм 1427 год

Ӧтлаын Пермь Великаякӧт Кудымкар пырӧ Московскӧй государство составӧ. Пермякӧй музӧ локтӧны роч поселенецез. Ордчӧн Кудымкарскӧй городищекӧт быдмӧ ӧткодъ нима роч деревня.

Нӧльӧт сувтчӧм 1579 год



XIX век помассьӧмӧдз Кудымкарын керкуэз сулалисӧ дзескыта да порядоктӧг. Строгӧй уличной система эз вӧв. Эта вӧлі сысянь, что коми-пермяккез строитчывлісӧ тӧдись совет сьӧрти. Ся бӧрйивліс медбур места керку строитӧм понда.



Прабабӧ меным этна гадайтӧммез йылісь висьтасьліс. Морттэс керлісӧ сідз. Керлісӧ симӧтісь куим чуманок и пуктывлісӧ нійӧ ой кежӧ быдкодъ местаэзӧ — сэтчӧ, кытӧн ния мӧдлісӧ строитны керку. Эта дырни ния шувлісӧ: «Ежели чуманок увтас местаыс шуда, то мед кӧдзывает ваяласӧ чуманок вылас асланыс поз понда ёг». Мӧд лунас нето куимӧт лунас одз асывнас ния проверяйтлісӧ чуманоккесӧ: кӧдаын вӧвлі унажык ёг, сэтчӧ и строитлісӧ керку.



Видзӧт, ме адззи эстісь вачкисьлана симӧтовӧй чуманоккес. Пустӧйӧсь. Отсалам кӧдзываетлӧ да ӧтмыгдаӧн тыртам ёгнас быдӧс чуманоккесӧ. Сэк хозяиныслӧ ковяс сувтӧтны куим керку ӧткыс туйӧ. Ха-ха-ха! Вот мымда сералӧмыс лоас!



Кудымкарын кытшӧм керку вылын тӧчӧм кирпичись 1579 год?

Витӧт сувтчӧм 1834 год

Этӧ кад, кӧр Кудымкарын строитсьӧны керкуэз веськыт улицаэзӧн да правильной кварталлэзӧн. Строганов именнёись помещиккез оз тшӧктӧ крестьяналӧ строитны керкуэз кыздз шедас. Лӧсьӧтсьӧ строитчан план. Кудымкарын лэбӧ Николай Чудотворец нима вичкулӧн каменной керку. Шӧр поселеннёнас лӧӧ вичку одзись площадь. Паныт вичкулӧ строитсьӧ Строгановвезлӧн окружной управленнё. А невна вылынжык — кык класса мужской училище.



Зоночкаэз понда медодзза школасӧ Кудымкарын эшӧ шувлісӧ «керку мезонинӧн». Мезонин — этӧ строеннё шӧр керку весьтын. XIX векӧ Россияын вӧлі мода строитны сэтшӧм керкуэсӧ. Эта вӧлі пуовӧй усадьбаэзлӧн асыяма черта.



Тэ велӧтчин бы эттшӧм школаас? Мый бы тэ вежин зданнӧлӧн вевдӧрись? Улынжык рисуйт аслат мечтаись школа.

Кватъёт сувтчём 1977 год

1938 годо Кудымкар получитис карлись статус. Эта жö кадö примитöны перепланировкались да виль строитчёмлись план. Шөр Кудымкарён лоö карись площадь, а шөр улицаён — 50 лет Октября нима улица. Сы вылын строитсьöны медодзза кинотеатр «Пролетарийлөн» зданнё (Кудым-Ошлөн памятник местын), государственной банк да окрисполком. Иньва юлөн шульга берег вылын строитсьöны олан керкуээз, вузасын помещеннээз да велөтчан заведеннээз. Юрино микрорайонын шогмö промышленной зона.




?

Эта жö кадö карын строитöны одзланься администрациялись керку. Ся «сталинской ампир» архитектуралөн бразец. «Сталинской ампир» — этö советской архитектуралөн туйдöт. Сы понда характернойон лоö зданнёлөн вевдöрся направлениын колоннаээз, символика (вит пельöса кодзыв, чарла, молоток да рабочöйез), барельеффез. «Сталинской ампиричь» архитектуралөн образецез — этö ыджытсья-ыджыт постройкаээз. Художник пондöтис рисуйтны советской символлээз, коднö адззылис Администрация зданнё вылись, но эз ешты помавны ассис удж. Внимательнöя видзöт зданнёлись вевдöрся вид да одзлань кер рисунок.



Ай-мамö висьтасьлисö меным, что нельдас год эта вотöдз 50 лет Октября нима улица кузя вöли кисьтöм карас медодзза асфальт. Быд рытö быдöс горожанаыс öксьывлисö эта улица вылö. Ния ойшөрöдз ветлөтлисö асфальтовой туек кузя! Натьтö, сийөн эстөн öнөдз радейтöны гуляйтны томпөлс да шуöны улицались этö торсö «Бродвейөн».



**Сизимӧт сувтчӧм
2011 год**



Карись мортлӧ, кӧда планируйтӧ строитны, керкулись вевдӧрся видсӧ колӧ согласуйтны карись Администрациялӧн архитектура да градостроительство отделын. Главнӧй архитектор баитӧм сьӧртӧ, строеннӧйс должен мыччассьыны эстетичнӧя да коланаӧн миян кар понда. Ӧння кадӧ карись адмиинистратцияын лӧсьӧтсьӧ строитчӧм понда генеральнӧй план. Ся предполагайтӧ керкуэзлӧсь тшӧкжыка строитӧм. Карлӧн площадь, мӧднӧж шуны, сьлӧн размеррес, ыждыны оз пондӧ.



**Кыкьямысӧт сувтчӧм
2111 год**



Кытшӧмӧн тӧ представляйтан миянлӧсь карсӧ сто год чулалӧм бӧртӧ? Рисуйт. Верман рисуйтны, кытшӧмӧн лоас улица, кӧда вылын тӧ олан ӧнӧ.

Музей

Музей — это маста, кытён позьё тодны быдкодь народдээлись быт да культура, исторической событиеез, уналё тодса отирёс. Музейезын эмось искусствоись предметтээлөн да шоча пантасьлан вещьезлөн коллекцияез. Кудымкарын краеведческой музей вёли осьтём 1921 годё. Сійё аркмөтисьнас вёли мян земляк, художник Пётр Иванович Субботин-Пермяк. Оні Коми-Пермяцкёй краеведческой музей новйё сылись ним.

Искусство кошшём


Музейись художественнёй галереяын позьё тодсасьны Пётр Иванович Субботин-Пермяклөн картинаэзкөт. Ся вёли хужожникөн-авангардистён. Авангардлө характернёйось свобода, простота, виль видзётём. Кыдз тэ думайтан, кытшөмось сы уджжезись относитчоны авангард дынё? Мыля тэ сідз думайтан?



Внимательнёя видзёт картина «Уджались (вын)». Мыля художникыс мыччалис уджалисьсё сэтшөм ыджыт мускуллэзаон? Мый мөдiс висьтавыны этөн Пётр Иванович? Кыдз тэ думайтан, кытчө видзётө рисуйтөм мортыс? Революциялись, виль олан строитөмлись да обществолись кытшөм символлэз тэ адззан картина вылись?

Выставкаэз йылись

Мян карын пыр выставкаэзсё (мыччалөммез) лосьөтөны Культурно-Деловйöй центрлөн да Коми-Пермяцкёй этнокультурнёй центрлөн выставкаэз понда заллэзын. Мыччалөммез вылын позьё тодсасьны местнёй да локтись художниккезлөн да фотографезлөн творчествоөн, небны нылись картинаэз да фотографияез.



Коми-Пермяцкёй краеведческой музейын тэ верман пантавыны кроманьонецёс, адззывыны Пермскёй «зверинёй стились» украшеннёез, тодсасьны крестьяналөн бытөн.



Миян музейын эм челядь понда экспозиция. Сэтшөмсө тийө некөр сәсся од панталө. Эстөн позьö песөкись строитны кар, куйлыштны пöлатын, печкыны сунис, масьтыны гырын сю, öктыны местной художниккезлөн картинаэзись пазллэз да нельки орсны компьютерной орсан, мед кошшыны музейись экспонаттэз. А эшö музейö вовлиссез вермасö здоровайтчыны баитись Вакулькöt.



Карись мукöд школаэзын эмöсь асланыс музейез. Ныын эм школалөн история йылись информация. Öтик интереснейшöй коллекция эм шөрöt общеобразовательной №2 школаын, кöдалөн торжественной осьсöмыс вöли 1973 годö.



Кынымкö год эта вотöдз №2 школаын жугалис звонок. Көр сийö разисö, то пытшкас адззисö гвардейской значок. Кыдз сия шедöм сэтчин, некин оз тöд. Поди, значоксö суйыштитс звонокас кытшöм-нибудь ранитöм солдат. Великой Отечественной война годдэзö школа зданнейын ранитöм боеццезöс лечитöм понда вöли госпиталь.



?

Кытшöм школаын тэ велötчан? Эм я тиян асланыт музей?
Кытшöм экспозиция школаись музейын тэныт гленитчö медöддьөн?
Мыля?

Карись улицаэзлөн сокровищцеэз



Рисуйтөм памятниккелісь определит тип.

1. Постамент вылын фигура.
2. Бюст (мыччалөмось дзир юр, голя да морос).
3. Стела.
4. Барельеф.



Ме радейта гуляйтны Кудымкар кузя. Медөддьон меным гленитчө ветлөтны памятниккез гөгөр, көдна сувтөтөмось уналө төдса морттээлө, да дыр нийө видзөтны. Бур төдны, кытшөмось вөлісө оланас морттээ, көдна пырисө страналөн историяя. Нылөн жесттээ, паськөм, поза часто висьталөны мянлө, киннээ ня да мыйөн занимайтчисө.



А тэ видзөтін мультфильм «Колдуйтөм зоночка»? Аслас приключеннө помын Нильс төдсасьө бронзовөй королькөт да пуовөй боцманкөт, көдна вермисө баитны и нельки ветлөтны! А вдруг и мян Кудым-Ошным ойезнас ветлөтө карыс кузя?



Ветлы уналö тöдса морттээлөн памятниккез дынö, тöд, кытшöм материались ния керöмöсь.


1. Кудым-Ошлö памятник
2. Владимир Ильич Ленинлö памятник
3. Воин-победительлö памятник
4. Пётр Иванович Субботин-Пермяклö памятник





Кытшöм памятник миян карын тэныт медöддöн сёлöмви? Мыйöн? Кытшöм памятниккез оз гленитчö? Мыля? Кыдз бы тэ вежин нийö? Кинлö либо мыйлö тэ бы сувтöтін памятник? Этö вермас лоны ловья морт. Рисуйт скульптурались эскизсö этчö.

Мый эшö эм карись улицаэз вылын?

Программа «Кудымкар. Культура вежан кад» удж коста мян карын мыччисисö öннй кадись искусстволөн объекттэз. Нийö керисö Кудымкарись том зонкаэз пермской художник Александр Жунёв веськötлём увтын. Ыджыт популярностьён пользуйтчöны гöрд телефонной будкаэз, кöдна вöлисö руд рöма электрошкаффеэз. Отирлö сьöлöмви Кудым-Ошлөн образ, кöдö рисуйтисö 50 лет Октября улица вылись 25 керку вылын. Радуйтö син ордчөн керку вылын рисуйтём «енöшка».



Кыз бы тэ мöдкодьсьötин карись энö руд рöма объекттэзсö? Пондыв керны нийö рöмажыккезөн.



Условной пассэз

Кудымкарын эмось сэтшом условной пассэз, кодна отсалоны вежорны, мый эм эта либо модик керкуын. Но ми сэтчодз велалим эна пассэз дыно, что ния нельки оз и усьо син выло.



?

Видзот мужиклон да инькалон этна статуяэз выло, кодна сулалоны сельскохозяйственной техникумло паныт. Ны выло видзоттон, ны дынот мунись морт вермас вежортны, кытшом специальностезо велотоны эта велотан заведеннеын. Вот дзир художникыс вунотом рисуйтышны картинкаэз. Ковсяс сылись уджсо керны тэныт.

?


Кытшом организацияэз да учрежденнеэз эмось керкуээс, кодна вылын ошалоны эна условной пассэс? Йитот постройкались нимсо да «пассо».

- судлон керку
- челядьлон библиотека
- продуктовой магазин
- Кудымкар карлон Администрация
- Коми-Пермяцкой делозз сьорти министерство
- шиномонтажной
- театр
- аптека



@

Ежели кар кузя ветлоттон казялан эшо кытшомко «пас», то обязательно ысты сылись рисуноксо электронной почтаот. Эн вунот гижны, мый сия вежортото.



А эшö Кудымкарын, эталö ме öддöн рад, быдлаын рисуйтöмöсь менам родняэз. Лыддöы, мымда ошшес «олöны» карас? Кытись тэ нийö адззин?

Торья пассэз



Ой, видзчьсьö менö.
Часöt ме ыскöвта эта керöсок вывсянь.
У-у-у-х!
А тийö одö тöдö, мыйлö сийö сувтöтисö нач магазин дынас?



Натьö, тэ казявлін, что ордчөн мукöд лестницаэзкöt — магазиннэзö, велöтан да культурной учрежденнэзö — эмöсь лэдзчаніннэз. Этна сооруженнэс том маммез понда, кöдна новйötöны челядьнысö коляскаэзын, да морттэз понда, кöдна ветлötöны инвалиднöй коляскаэзын. Умöль, что быдкодь причинаэз увья мукöдыс мян коласись озö вермö ветлötны аскежаныс. Сэтшöм лэдзчаніннэс бура отсалöны нылö ветлötны кар кузя. Но ежели тэ Кудымкарас кытшöвтан быдöс лестницаэзсö (ны коласись и уна этажа керкуэзын подъезддэзись), то казялан, что лэдзчаніннэс ордчөн ныкöt унажыкас абубсь. Мылякö строитикас нийö абу лöсьötомась. А öни думайт, мымдаön сьöкытжык кайны кöть бы öтик послу вылö инвалиднöй коляскаын мортлö...

Куимӧт тор
Зелёной
кар



Красной горка

Красной горка — карись оліссезлөн медгажа шоччисян места. Сылөн покаттэзыс вевттёмось величественной пожуммезён, сы бердот котортё Кува ю. Гожумнас Красной горка выло вовлөны купайтчыны да пöжассыны шондї вылын, төвнас — ысласьны дадөккезён, лыжаэзён да сноуборддэз вылын.



Лыдды, кыным вылынін Красной горкаыслөн. Кытшөм ны коласіс медвылын? А кытшөм — медлажмыт? Думайт ниммез быд мыслө да ысты нійө миянлө электронной почтаот.



Мунны Красной горка выло путешествиеё, конечно жө, интересно. Но сэтшөм прогулка кежас колө бура-бытшөма лөсьотчыны. Гөгрөстышт кытшөн нійө вещьесө, көдна ковсясө тэныт вöрас.

**Көр тэ локтан Красной горка вылө,
эн вунөт путешественниклөн
вит правило йылись!**

1. Эн өш!
2. Видз асьтө гусьона!
3. Эн өзты бипур!
4. Эн чапкав ёг!
5. Эн кер нем умольсө быдмассэзлө да вөрпиэзлө!

Ключ йылись

Сы вотөдз, кыздз кайны Красной горка вылө,
карьсь оліссез пыр медодз лэдзчөны ключ дынө.
Ош өмись горөн лэдзчө хрусталь кодь сөстөм,
йы кодь көдзыт ва. Миссыны ключись ваөн жар
гожумся лунө — бур да долыт!



Мый бурсө вермөны
аддзыны отир ваын
бульөтчөмсянь?
Нія жө не ваын
уялись чери нето
кайпөлөс! Бррр...



Красной горкалөн сокровищеэз

Красной горка вылын быдмёны уна дзоридззез.
Олоны сэтчин и мукөд вөрпиэз да кайез.

?

Улынжык рисуйтёмось дзоридззез, көднө позьё пантавны
Красной горка вылын ветлөттөн. Ния быдөнныс өддьён басөкось!
Дзир художникыс вунөтөм нийө рөмсьотны.
Ковсяс этө уджсө керны тэныт.



Горадузь

Автор Нина Исаева

Тулыс локтис вөра крайө,
Быдыс öнi сьылө-дзузьбө.
И турун путриктө-кайө,
А турунас — горадузьлөз.

Юэз дорын — бичироккез
Сотчöны, оз и дугдывлө.
Этö — шондiлөн тороккез,
Этö — песня мича нывлөн.

Веж дзоридззез, көдна быдмёны видззез вылын, коми-пермяцкөй
кыв вылын шусьöны горадузьлөн. Эта дзоридззис часто пантасьлө
кывбуррезын да местной авторрезлөн сьыланкыввезын. Эм коми-
пермяккөзлөн дзоридз бабапель. Колө думайтны, что көркөся важ
отир лыддисö этö дзоридзкөсö вачкисьланаөн баблөн пель вылө.



Ме төдә, что подорожниклөн (комиён шуоны аканьлист, масьтурун, шырпыж) эмось уна полезной свойствоэз. Ежели прогулка коста тэ кытікө вундыштін, сөстөм листоксө эта быдмаслсь позьö пуктыны рана бердас.




И мый сэтөн сэтшөмыс? Ме понда полезнойыс — ежели позьö сёйны. Вот пистикись, например, позьö пуны каша, пиканись лосьотны бытшөм окрошка, а бабапелись — чөскыт вареннё. И пөтөса, и поезной!



@ Туруннэзись кытшөм сёян эшө тэ төдан? Юкась рецепттэзөн, ысты нийö электронной почтаёт.



Красной горка вылёт ветлөттөн, позьо пантавы
быдыкдь вөрпиззлсь, кайезлсь да гаггезлсь керкуоккез.
Кыз тэ думайтан, киннээ нын олөны? Кытшөм материалсь
керисө аслыныс керкуэзнысө миян «учөтжык воннэзным»?



Только эн думайт разны вөрпиззлсь керкуоккезсө!
Думайт ачыт, кытшөм тэныт лоас умөль, ежели тэнат
керкуө пырасө великаннээ да пондасө жугдавны чачазэ,
мебель, паньбекөр. Ло ответственнөйөн аслат
поступоккез понда!

Карись парккес да скверрез



Красной горкасы карись оліссезлө гленитчө чулөтны кад парккесзын да скверрезын. Эна зелёнөй местаэзыс керёны Кудымкарсө басөкөн да уютнойөн. Колө висьтавны, что медодзза парккес вөлісө лосьөтөмось Китайын. Европаын да Россияын нийө пондїсө аркмөтны дзир XVШ векө. Миян карын медодзза прксө пондөтїс лосьөтны XIX век помын Иван Яковлевич Кривощёков.



Висьтав Кудымкарись ассит любимой парк либо сквер. Мыля тэ радейтан ветлывлыны сэтчин? Гиж, мый тэ керлывлан паркас.



1.
2.
3.
4.
5.

Иван Яковлевич Кривощёков нима парк

Православной вичку гөгорись парк новйө Иван Яковлевич Кривощёковлісь ним. Этө дзир сія парклөн тор, көдө садитїс учёной.



Ай-мамө висьтасисө меным, что куимдас-нөльдас год гөгөр эта вотөдз карись оліссес вовлывлїсө паркас быд шоччисян лунө. Луннас челядь понда оссьывлісө аттракционнэз, чукыля зеркалоэзөн сералан жыр, автодром. Рытнас ыджыттэз понда орсіс духовой оркестр, уджалїсө йөктөм понда площадка да ресторан.



Комсомолеццезлөн сквер

Драматическэй театр гөгөр эм нейджит сквер. Сія шусьё Комсомолеццезлөн скверён. Пуэсё скверас садитисё Кудымкарын 1930-ой годдээ помын велётчись томплёс. 1941 годё нылись делосё одзлань нуотисё война вылё мунись доброволеццез.



Чужтісян керку дынісь сквер йылісь

Интересной история эм пуэзлөн, кодна садитомось чужтісян керку гөгөр. Көр виль чужтісян керкуыс оссис, кагаэзлөн ай-маммезлө предложитисё корпусыс гөгөр садитны пуээлісь саженеццез. Тод ай-мамытлісь, поди, кытшом-нибудь сэтчин быдмись кыз, ясень, ниапу нето сыспу вөлісё садитомось тэнат чужан честьё.



Отир не пыр вежөртöны, что парккес да скверрез — карлөн басöкыс. Пуэсё кералöны, ежели кинкө мөдö стрóитны ны местö кытшом-нибудь керку. Менö кутö öбида, что дубоккес, ясеннез да клённээ, кöднö садитліс Иван Яковлевич Кривошцёков, эз олö мян кадöдз.



- Кытшом пуээ
карысь парккесісь
да скверрезісь
тэныт медöддьөн
гленитчисö?
Висьтав нійö.
- 1.....
2.....
3.....
4.....
5.....

Внимательнöя видзöt энö пуэсö да сет очакыв одзланься юасьöммез вылö:

1. Кытшом пу, тэныт гленитчöммез коласісь, медвылын? Кытшом сылөн сувдаыс (сія вылын, кызд фонарной столб, кызд кык этажа керку нето кызд тэ?).....
2. Кытшом пулөн медкыз ствол? Тэ верман сійö судзны киэзнат, сывьявны?.....
3. Рисуйт пуээлісь листтээ. Мый нія уськötöны тэныт төдвылö форманыс сьöрті?.....



Миян карын олö бур морт, кöда быдтö Коми-Пермяцкöй округ понда шоча пантасьлан пуэзлсь саженецез. Сійö шуöны Анатолий Константинович Нешатаев. Сельскохозяйственной техникумлöн йöрын сылöн эм теплица, кытöн быдмöны сыспуэз, лöз ема кöззээ, туяэз, корейскöй пожуммез, сибирскöй ниапуэз, канадскöй клённэз, тыпуэз, далневосточнöй льöмпуэз да сирапуэз.



Художник рисуйтис кынымкö шоча пантасьлан пу, кöдна быдмöны миян карын. Тэ тöдан, кыз ния шусьöны?



Кыз шусьö эта пуыс?

Кытöн Кудымкарас сия быдмö?

.....



Кыз шусьö эта пуыс?

Кытöн Кудымкарас сия быдмö?

.....



Кыз шусьö эта пуыс?

Кытöн Кудымкарас сия быдмö?

.....



Кыз шусьö эта пуыс?

Кытöн Кудымкарас сия быдмö?

.....

Шоччисян база «Сказка»

А тэныт охота шедны сказкао? Сэк босыт быдкоть рёма киззез да лыээ — орсам интересной пызан вывся орсанон! Сы основаын лоас Красной горка вылын меститчом шоччисян база «Сказка». Вермас сия, кин чожажык вoлас сказочной аттракционнэзын!

Пос

Тэ верман чеччoвтны oтик кытшок.

Старт

Медбы тодны, кин медодз пондотас путешествеосо «Сказкао», чапкы коскаэ. Кинлон усясo медауа, сия муно первойон.

Пемыт вoр

Вoрись чуддээ — хитрой существоээ. Ния радейтоны oштoтны вoрас вoралиссезос да тшакьялиссезос. Ковсяс и тэныт павьялыштны вoрас. Коль oтик ветлом!

Вoрись

Ох, и небур тэныт! Тэ инмин вoрисьлон владеннээо. Тэныт ковсяс пондoтны орсанo вились.

Концертной площадка

Тэ шедин местной ансамбль «Шондiban» концерт выло. Кытшом басока сьылoны нывкаээ родной коми-пермяцкой кив вылын! Медбы вермыны сетны дон ны творчестволо, тэныт ковсяс кольны кык ветлом.

Лэдзчыны керос вывсянь колo жагыв. Ло внимательнойон да видзот кок увтат!

Конечно, сэтшом снаряженне вылын кызд «таблеткаээ», Красной горка вывсянь ысласьoны дзик товнас. Но тэныт колo экстримыс oни жо, сийон тэ решитин ыскoвтны «таблетка» вылын гожумнас.

Катамараннээ вылын ысласьом

Вот эта приключенне!

Баня

Пывсыштны роч баняын — өддьон бур да долыт, ковсяс сэтчин пырны тэныт эшө отпыр.

Шашлыккес

Коль отик ветлом!

Баня

Коль отик ветлом!

Шашлыккес

Оторын дыр ветлотом борсянь тэныт охота лоис сёйыштны. Тэ сэтшом тшыг, что модан пешлыны шашлыккесө быд мангал выльсь. Коль отик ветлотом!

Кайом

Этö волшебной лестница! Керосок выло кайтон быд сувтчом коста тэ должен висьтасьны кывбур нето сьывны гожум йыльсь сьыланкыв. Ежели он вермы уськотны тодвылат нельки мыйкө отикө, то ковсяс быдпырся кольны отик ветломон.

Чөжжжес

Чөж петкөтис пианнэзсө уялыштны прудын. Тэныт гленитчисө эна ваын уяльсь кайезыс, и тэ решитин вердны нийө нянь тороккесон. Кольчыв эстон кык ветлом выло.

Эжөр

Тэ шедин эжөрö, и тэнат катамаранит жугассис. Төжда тэ понда. Ковсяс тэныт бертны берег выло да босьтны виль транспортной средство.



Чож! Тэ получатін боевöй сказочнöй крещеннё
да верман гордöя новйöтны повтöм геройлсь ним!

Нельёт тор
Ловья кар



Отир понда местаэз

Мый тэ керан сы бөрсянь, көр чулаласö школаын уроккез? Чожажык котортан гортö. Эд сэтчин тэнö видзчисьöны мультфильмез, компьютерён орсöммез, вердтём хомяк Фомка, и конечно жö, мамытлөн лöсьöтём көра павжун. Горт — этö места, кытөн быдыс миян коласись вермас шоччисьны, чулötны кад семьякöt, керны радейтан удж. Но, гортся, Кудымкарын эмöсь и мöдик шоччисьöм понда местаэз. Ния шусьöны общественнöйезөн (отир понда местаэз). Ны дынö относитчöны площаддез, парккез, челядь понда площадкаэз, кафе, театр. Сэтшöм местаэзын отир гуляйтöны, сөйöны мороженöй, öксьывлöны öтлаын карись вежалуннэз вылö.

Медтöдчана отир понда местаөн пыр лыддиссьö карись площадь. Кудымкарын сия карись администрация керку одзын. Эстөн чулötсьöны вежалуннэз, концерттэз да фестиваллез. Мукöдыс радейтöны чулötны кад Культурно-Деловöй центр одзись площадь вылын. Сия баситём дзоридза клумбаэзөн да пуись скульптураэзөн. Луннас эта площадь вылись лабичоккез вылын пукалöны маммез коляскаэзын челядькöt, а рытнас студенттэз да школьниккез. Мукöдпыр нейджит концерттэз чулалöны кинотеатр «Комсомолец» одзись площадь вылын.



?

Кӧдӧ площадьыс тэныт сӧлӧмви?

Мый тэ керан, кӧр вовлан площадь вылӧ?

Охота я тэныт кыдзкӧ вежны ассит любимӧй площадьтӧ —
содтыны клумбаэз, газон, скульптураэз, фонтан?

Улынжык рисуйт площадь аслат мечта сӧртӧ.

Влюблӧннӧйезлӧн пос йылісь



А меным медӧддӧн гленитчӧ гуляйтны карись улицаэз кузя. Ӧддӧн бур мунны влюблӧннӧйезлӧн пос вылӧт. Сы перилаэз вылын ӧшалӧны уна кӧртовӧй замоккез. Нийӧ ӧшлӧны том гозъяэз асланыс свадьба лунӧ, а ключӧ чапкӧны логӧ. Замок — ӧтласа, крепыт да кузь оланлӧн пас. Кӧр нӧ ме адзза ассим мӧд джынӧс?



И мый нӧ тийӧ ӧшӧтат пос вылас?
Амбар бердӧсь замок?



Кудымкарын босьтасьём


Өні Кудымкарын позьё небны быдös, мый колö.
Босьтасьны отир ветлötоны вузасян центррезö,
магазиннэзö да рыноккез вылö.



Меным гленитчö ветлötны вокзал дынись рынок вылö
свежöй продуктаэзла. Сэтчин позьё небны овощез, яй,
чери, ягöд да тшак. Июль месяцö, кöр воö чöскыт öмидз,
ме ветльвла рынок вылас быд лунö. Усясö тöдвылам эна
гöрд ягöддэс, и менам гурötö кынöмам.




Ош радейтö неблыны эна рынок вылын öмидз.
Рисуйт, мый эшö позьё эстөн небны. Кытшöмöсь эна продуктаэз
коласись он пантав магазиннэзлөн прилавоккез вылын? Мыля?



Чулалом векись өкмыдасот годдэзö быдöнныслö тöдсаэзöн вöлисö вузасян базаррез, кытöн позис небны модной импортной паськөм — спртивной костюмез «Адидас», джинссэз «клёш», мини-юбкаэз, кроссовки. Рынокыс диктуйтис мода карись олссезлö! Юав аслат аймамлись, мый вöли моданы новйыны ны том кад коста.



Кытчöдз ми ветлötим магазиннэзöt, Чуд гижис список, мый колö небны. Висьтав, кытшöм магазиннэзын сйя вермас небны энö товаррезö.



Музыкальнӧй кар

Кызд тэ, натӧ, тӧдан, музыка овлӧ быдкодӧ.
Сийӧ юкалӧны куим вид вылӧ — народнӧй,
классическӧй да популярнӧй вылӧ.



Народнӧй музыка

Кин, кӧр да кытӧн сочинитӧ
унажыксӧ народнӧй сьыланкыввез
коласись, оз тӧд некин. Сьылан
кыввез вуджӧны поколеннӧсянь
поколеннӧ устнӧя.

Классическӧй музыка

Эта музыкаыс орсьӧ строгӧй
правилоез сьӧрти.



Популярнӧй музыка

Сэтшӧммезнас лоӧны медпопулярнӧй
жанррез — рок, поп, джаз. Популярнӧй
музыкаыс кывзӧсьӧ да вежӧртсьӧ
кокнитжыка, нежели классическӧйыс.





Музыка орсөм понда коми-пермяккес
используйтлісö уна ствола флейтаэз, кöдна
шусьöны пöляннэзöн. Пэлян роч кыв вылö
вуджöтьсö «дудка». Этö музыкальнöй
инструментсö керöны видззез вылын
быдман турун гуммесісь.
Коми-пермяккөй народнöй сказкаын «Куим
сой» висьтассьö, что сэтшöм быдмасыс
быдмöм нывка шойна вылын, кöдö вийöмась
пöрисьжык сойезыс. Пöлян пытшкас
ловзьöм кулöмыслöн ловшыыс.



- Кудымкарысь кытшöм музыкальнöй группаэз да ансамбллез тэ тöдан? Кытшöм музыкалöн категорияэз дынö, кöднö тэ тöдан, относитчö нылöн творчествоыс? А кытшöм музыка радейтан кывзыны тэ?
- Тöдмав, кытшöм музыка кывзін бы тэ нія местаэзын, кöдна рисуйтöмось улынжык?



1




2

3



Интересной культурной событиеэз



Кудымкарын часто чулътсьоны фестивалез, концерттэз, карнаваллэз, шествиеэз (мунөммез) да мөдик культурной гажөтан мероприятиеэз. Ния сэтшөм уна, что ме өши эта суматохаын. Верман менө адззыны отир чукөрас?

Январь

Рошвоя фестиваль

Вот кык год съөрна ни кыз карись
Культурно-Деловой центрын чулътсьө
рошвоя фестиваль. Эта луно гөссез понда
чулалөны гижөтись да материались ангелоккезөс керөм съөрти мастер-
классэз. Николай Чудотворец нима православной вичкуын воскресной
школаись воспитанниккез сьылөны церковной сьыланкыввез. Помассьө
фестивальыс вежалунся чай юөмөн.



Февраль–Март **Масленица**

Масленицалөн медбөрря неделяс карись площадь вылын чулалёны отирлөн гажотчөммез. Эта лунё позьё ысласьны вөввез вылын, пешлыны блиннэз, мыччавны ассит чожбурсо народной орсаннэзын да забаваэзын.



Февраль

Кудымкарын да мөдик населённой пункттэзын февраль 17 лунё порйотсьо коми-пермяцкөй кывлөн лун. Карись челядьсаддэзын да школаэзын чулалёны коми кыв вылын уроккес, акцияэз да викторинаэз.



Март

Концерт «Музыкальной вотьва»

Музыкальной неделя коста Кудымкариь искусствоэз сьорти школаын чулалё Коми-Пермяцкөй округлөн музыкальной школаэзись воспитанниккеслөн концерт.

Март–Апрель

Творческой фестиваль «Студенческой тулыс»


Культурно-Деловой центриь ыджыт залын өксёны старшекласниккес, велотчиссез да Кудымкариь студенттэз. Ния сьылёны сьыланкыввез, лыддьотёны кывбуррез, йөктёны, орсёны музыкальной инструменттэз вылын.



Май

Тулыслөн да уджлөн лун

Эта лунё карись улицаэз кузя чулалё уджалиссезлөн торжественнөя мунөм. Быдыс киас нөботё шар. Мунөм бөрсянь отир өксёны Культурно-деловой центр одзись площадь вылө митинг понда, ния баитёны асланыс уджалан правоэз йылиь.



Пасха бөрсянь сизимөт неделя помын карись отир ветлөтёны шойнаыб вылө да касьтывлёны кулөммезс. Ния пөжалёны чериняннез, картовиь да шыдөсись шаньгаэз. Эта вежалуныс шусьё Семик.

Май
Победа Лун

Май месяц коста карись школаэзын, культура керкуэзын да мөдiк учрежденнээзын чулалöны военнöй темаэз вылö тематическöй уроккез, акцияэз да концерттэз. Май 9 лунö карись оліссез петöны Великöй Отчественнöй войнаын кулöммеэлöн мемориал дынö митинг вылö да поздравляйтöны вежалунöн ветераннэзöс. Помассьö программаыс народлöн гажöтчöмөн.



Май
Международнöй йöктан лун

Карись Культурно-Деловöй центрын май 29 лунö чулалö йöктан коллективвезлөн выступайтöм. Эстөн позьö адззывны бальнöй танеццез.



Май-Июнь
Музейын ой

Годнас öтпыр Пётр Иванович Субботин-Пермяк нима окружнöй краеведческöй музей уджалö ойнас. Быд год локтиссез понда музейис уджаліссез лöсьöтöны вöвлытöм программа. Кынымкö год эта вотöдз ойнас поэттэз лыддьöтисö кывбуррез. Эта годö музейас чулаліс коми-пермяцкöй фольклорис Вакуль геройлö баитісь скульптура торжественнöя осьтöм.



Июнь
**Национальнöй орсан «Акань»
нима фестиваль**

Челядьöс дорьян лунö карын осьсьö национальнöй орсанлöн фестиваль. Фестиваль луннэзö Кудымкарын чулöтсьöны аканнез керöм сьöрті мастер-классэз, шоча пантасьлан орсаннэзöн вузасян ярмарка, концерт.



Июль

Карлөн лун

Карлөн лунö Кудымкарын чулалö Чудной карнавал. Лун сьорна быдкодь площадкаэз вылын чулалöны творческой коллективвезлөн выступайтöммеэ, конкурссыз, ярмаркаэз. Площадь дынын челядльö лосьötöны аттракционнэз — каруселлез, автодром, батуттэз. Помассьö вежалуныс сёрон ойнас уна бизза фейерверкөн.



Сентябрь

Урожайлөн вежалун «Тырдоз»

Сентябрьнас Культурно-Деловой центрлөн площадь вылын чулалö сельскохозяйственной ярмарка. Сы вылö локтöны мян странаын мөдик регионнэзись гөссез. Ярмаркаын участвуйтиссез понда чулөтсьö приззэзөн лотерея.



Ноябрь

Кино- да видеоискусстволөн фестиваль


Фестиваль вылын позьö адззывны местной пондөтчись режиссёррезлись уджжез. Фестиваль чулалö Культурно-Деловой центры.



Декабрь

Ёлкаэз

Декабрьнас карын быдöс оліссез пондöны лосьötчыны Виль год кежö. Магазиннэзын чулалöны виль год одзся ярмаркаэз, челядьсаддэзын, школаэзын да мөдик учрежденнэзын — ёлкаэз. Кудымкарын оліссез дынö локтöны Дед Мороз да Снегурочка.



Театр



Театрас ме ветлыvla охотаён. Школьной каникуллээ коста сэтчин пыр мыччалёны челядь понда спектакллез. Ох, и сералі ме кольём годё кёза пияннээ да руд кёин приключеннёээ вылын! А Кудым-Ош йылісь постановка коста сідз тёжді герой понда, что нельки невна эг усь кресло вылісь!

Окружнэй драматической театр йылісь позьё висьтасьны уна. Этё места, кытчё карись оліссез вовлёны шоччисьны, сералыштны нето горзыштны геройез судьба вылын, пантасьны ассяма коми-пермяцкёй культуракёт да кывкёт. А кызд тшөка тэ ветлывлан театрас? Эмось я спектакллез, кёднё тэ радейтан медёддьён?



?

Театрас уджалёны не только морттээ, кёднё тэ адззан сцена вылын. Пьеса сувтётём вылын уджалё быдса коллектив. Медбура тёдсаёсьтэныт — режиссёр, актёррез да актрисаээ. Эмось эшö директор, музыкальной торён веськётлісь, художник-постановщик, костюмер, хореограф, югдотісь, сцена лосьётіссез, буфетчица да уна мёдіккез. Тёдан я тэ кинёс-нибудь ны коласісь рисунок вылын?



?

Миян театрын мыччалóны быдкóдь спектакллез. Өтíккез овлóны гажáсь, мóдиккез — гажтómсь, куимóттэз тыртómсь музыкаон, сьыланкиввезон да йóктómон.

Театральнóй постановкаэзлís кытшóm жанррез тэ тóдан?

Йит жанрлís нимсö объясненнёкöt.

Жанррез:


- комедия
- музыкальнóй комедия
- трагедия
- трагикомедия
- капустник

Объясненнёэз:

1. Гажтóm спектакль, кóда помассö главнóй герой кулómон.
2. Эта óткаста и гажтóm, и гажа пьеса. Сы мунóm коста ми вермам горзыны и серавны.
3. Ми уна сералам. Спектакльыс шуда помон.
4. Этö гажа пьеса, кóдаын орсíссес уна сьылóны да йóктóны.
5. Самодельнóй, шуточнóй представленнё, кóда лóсьötóm юмор да сатира вылын.



А мыля баитóны, что театрыс пондóтчö вешалкасянь?



Сйóн, что театрас быдóс должен лоны идеальнóйон, бурся-бурон. Тэ чóвтчан гардеробын и вежóртан ни атмосферасö, кóда лоас видзётóm понда залын.



Челядь понда кар: орсан площадказз

Челядь понда карын строитёмось керёсоккезён орсан площадказз, песочницазз, автобуссезён да машинаезён дюттяннэз. Эмось өнняя площадказз, кёднө өктисё магазинись небом пластмассовой конструкцияезись, а эмось и аскерёмовойёсь. Эта гожумё, например, Строителей нима улица вылись өкмысөт керку двoryн челядь отлаын ай-мамmezкөт пөвvezись дорисё машина, көртовой трубаезись керисё дюттян, а чапкөм автомобильной колесоезись лөсьөтисё гагөс, зебраөс да жирафөс. Культурно-деловой центр бөрын лөсьөтөм аттракционнэзён площадка. Сэтөн вузалөны билеттэз, медбы чеччалыштны батуттэз вылын, бергалыштны каруселлез вылын, дюттясьыштны дюттяннэз-пыжжез вылын.



Рисуйт орсан площадка, кёда йылись мечтайтан.

?

Кытшом игровй
площадка вылын
тэ пыр чулөтан ассит
шоччисян кад?
Кытөн тэныт
гленитчө орсны?
Кытшом орсаннэзö
тэ пыр орсан
өтöрын?



Здоровой кар: спорт



Менам мамö меным пыр шувліс: «Здоровой телын — здоровой лов!». Медодз ме эг вежортлы эна кыввезлісь вежортассö. Но сыборсянь, кызд быд асылö понді котрасьны стадион вылын, вежорті. Көр бура пондан занимайтчыны спортөн, организм лоö вынажыкөн да выносливöйжыкөн. Ме нельки буржыка понді велөтчыны. Тэ дзир видзөт ме вылө, ми гөгөртім тэкөт почти быдöс карсö, а ме нельки эг и мыдз. Конечно жö, ме абу профессиональной спортсмен. Ме понда спортыс — этö дзир хобби.



Менам хоббиö унаөн интереснойжык — узьны дыржык! Ха-ха-ха!



Спортлөн вид
 Спортивной секциялөн адрес



Спортлөн вид
 Спортивной секциялөн адрес



Спортлөн вид
 Спортивной секциялөн адрес

Спортлөн вид
 Спортивной секциялөн адрес

Кудымкарын занимайтчыны спортлөн быдкодь виддэзён — сьёкыт да кокнит атлетикаён, самбоён, дзюдоён, каратэён, боксён, лыжнэй гонкаэзён, трамплин вывсынь чеччаломён да мөдиккэзён. Орсёны футболён, хоккейён, волейболён, баскетболён да настольнэй теннисён. Зоночкаэз да нылочкаэз, көдна активнөя занимайтчыны спортён, ветлывлёны всероссийскөй да международнөй соревнованнөез вылө, получайтёны медаллөз. Медбөрья дас год коста кудымкарскөй челядь активнөя велөтчёны соревнуйтчыны скейтборддэз вылын, сноуборддэз вылын, роликовөй конёккөз вылын да горнөй велосипеддэз вылын.



Спортлөн кытшөм виддэзён увлекайтчан тэ?
 Кытшөм зданнөын нето кытён чулалёны тиян занятиеэз?
 Карлөн карта вылын мыччав аслат
 спортивнөй секциялысь места.



Спортлөн кытшөм виддэзён занимайтчыны эна челядысь?
 Кытён чулалёны нылөн занятиеэз?
 Гиж правильнөй очакыввезсө улынжык.



Спортлөн вид
 Спортивнөй секциялөн адрес



Спортлөн вид
 Спортивнөй секциялөн адрес



Спортлөн вид
 Спортивнөй секциялөн адрес



Спортлөн вид
 Спортивнөй секциялөн адрес



Вот это да!
Кудымкарьсь футбольной
команда «Парма» шусьо
сідз жё, кыз итальянской.
Нія мый — рөдняэз?



Этö просто совпаденнë! Миян «Парма» коми-пермяцкöй
кыв вывсянь вуджötсьö «паськыт вöра места». Итальянской
футбольной команда шуöм Парма кар честьö. Карыс вöлі
строитöм этрускез племяöн. Ны кыв вывсянь «Парма»
вуджötсьö кыз «щит». Археологической раскопкаэз
мыччалісö, что одзык эта карыс вöлі граница дорся
крепостьöн.

Витӧт тор
Карлӧн
быдлунся
олан



Промышленность

Предприятиеэз, кӧдна вылын керӧны сӧян, паськӧм, мебель, электроприборрез, автомобиллез, шусьӧны промышленнӧйезӧн. Ны дынӧ относитчӧны фабрикаэз, заводдэз, комбинаттэз, пекарняэз, цеххез.




Фабрикаэзын да заводдэзын ковсьӧны вылын квалификацияя специалисттэз. Кытшӧм профессияя морттэз рисуйтӧмӧсь картинкаэз вылын? Кытшӧм промышленнӧй предприятиеэз вылын ния уджалӧны?



Кудымкарын эмӧсь велӧтан заведеннӧэз, кӧднаын велӧтӧны пӧжавны нянь, лечитны морттэзӧс да животнӧйезӧс, кӧдзны рудзӧг, велӧтны челядьӧс, лӧсьӧтны туйез, садитны вӧр, лыддисьны, карись олӧссезлӧсь дорйыны правӧэз да интерессэз. Мыччав энӧ велӧтан заведеннӧэсӧ карта вылын.

Кудымкарись предприятиеэз

Мый кероны карас öни?



Пимокатнöй цех

Пимокатнöй цехын уджалöны валяйтиссез-катайтиссез. Ния керöны төвся шоньт көмкöt — уральскöй валенкаэз-пимиез. Кудымкарскöй пимиез керан цех — Пермскöй краяс öтик.

ОАО «Молоко»

Предприятие керö йöв, нök, кефир, йогурт, рись, ви да йöлись мöдик продуктаэз.

Колбаснöй цеххез

Кудымкарын уджалöны кынымкö колбаснöй цех, кöдна сетöны магазин прилавоккез вылö колбасаэзлись быдкoдь виддэз да яйись деликатессэз. Цеххезас керöны котлетаэз, шницеллез, фрикаделькаэз.

Пекарняэз

Миян карын пöжалöны быдкодъ нянь — «Чудной», «Дарницкóй», отруббесöн, батоннэз макöн, булочкаэз повидлоөн да мöдиккес. Мукöд пекарняэс пöжалöны печенье, коржиккес, кекссэз.

Кафе

Уна кафеэз вузалöны пельняннез, варениккес, пирöггез, шангаэз, торттэз да пирожнойез.


ООО ПКФ «Уралочка»

Заводас керöны газируйтöм ва. Чöскыт напитоккес «Буратино», «Тархун», «Лимонад», «Колокольчик» радейтöны юны ыджыттэз да челядь.



?

Висьталöм предприятиеэз коласись кытшöм, тэнат мненнэ сёрти, лоö медколанаөн кар понда? Мыля?



Ай-мамö висьтасьлисö меным, что одзжык миян карись фабрикаэзын да заводдэзын керлисö лыжаэз, челядьлö чачаэз, ведраэз, миксеррез да нельки ракетаэз да самолёттэз понда деталез.

Мебель керём


Өні уна предпринимателлез керёны мебель. Заказ сьөрті өктёны кухня понда гарнитуррез, шкаффез, кроваттез.

Пластикись öшыннэз керём

Пуовй öшыннэз туйö карись оліссез сувтöтлöны асланыс керкузёö öшыннэзсö пластикись. Не сэтшöм важын сэтшöм öшыннэзсö пондїсö керны и Кудымкарын.

Сувенирнйö продукция

Коми-пермяцкйö мастеррез керёны нинкöммез, симötїсь сундучоккез, пелькйтшшез да доннэз. Ассама да басöк продукция сьölöмви карись оліссезлö да туристтээлö.



Уна народдэз лыддьöны пельняннез асланыс национальной сёянön. Ме лыддя, что думайтїсö да пондїсö керны нїйö коми-пермяккез. Эд коми-пермяцкйö кыв вылісь «пельмень» лö «нянїсь пель».



Меным, пожалуйста, сетö тшакїсь «пелёккез»!

Карись транспорт



Они съёкыт адзыны карсö автобуссээтöг, автомобиллээтöг да мотоциклээтöг. Ежели бы тэ мунан öтiк местасянь мöдиклаö етшажык кад коста, то буржык лоас мунны транспортнöй средствоөн.

Транспортлись кытшöм виддээ тэ тöдан?


Кытшöмöсь ны коласись эмöсь Кудымкаристь олисесз понда?



А ме пыр ветлöта подөн. Менö автобусас мылякö озö лэдзö. Кондукторрес баитöны, что оз позь ошшесзö новйöтны общественнöй транспортын. Вот и ковсьö надейтчыны аслам нель лапа вылö. А кытшöм транспорт карын ветлötöм понда колö тэныт?



Кыдз тэ думайтан, кытчöдз вайötасö тэнö зна транспортнöй средствоэс? Чертит карандашөн нылись туйсö колана местаöдз.




Съёкыт представитны, что эшö кытшöмкö век да джын нето кык век эта вотöдз Кудымкарын ветлöтисö дзир вöввезöн. И Х1Х векöдз коми-пермяккезлөн эз вöлö телегаэз. И мужиккез, и иньпöлöс ветлöтисö верзьöмөн. А съёкыт груззэз годлөн быд кадö умöль туйез увья кыскалісö доддезöн нето волокушаэзöн.



? Нія важся-важ каддэзö коми-пермяккез вöввезся транспорт местö видзисö пыжжез да плоттэз. Улынжык рисуйтöмöсь ю кузя ветлөм понда кынымкö транспортнöй средство. Йит транспортыслись нимсö рисунокыскöт.

- гозъя пыжжез-өррез
- пыж-осиновка
- паром «карбас»



? Тэ тóдан энö туйвывся пассэзсö? Вежöртöт нийö.



? Уськöt тöдвылат каддэз, кöр отир уялисö пыжжезөн. Интересно, ежели ния вдруг пантасьлисö-люкасьлисö кытөн-нибудь ю вылас, то кин кинлö сетлис туйсö? А поди, нылөн вöлисö специальной пассэз ю понда, кöдна регулируйтисö ю кузя ветлöмсö? Фантазируйтышт да рисуйт кынымкö сэтшöм пас. Вежöртöт, мый ния мыччалöны.



Одзык Кудымкарын вöли аэропорт. Карись олисез вермисö самолётөн лэбзыны Коми-Пермяцкöй округлөн медылис Гайна посёлокö. Самолёттэз вöлисö нейджытöсь, нийö шувлисö «кукурузниккезөн». Аэропортлөн керкуыс эм и öнi.

Энергиялөн источниккес

Думайт, мый вермас лоны, ежели быдос карсис электричествосö выключитасö. Кытшөм приборрез тэнат гортат дугдасö уджавны? Кыдз тэ думайтан, мыйөн нийö поэяс вежны?



Мыйөн, мыйөн?! Кыдз важ бур каддэз коста — сартассэзөн! Ох и радейтi ме нывкаэсö повзёотлыны, кöр нiя пукясö рытнас да гадайтöны картаэз вылын.



Талун эмöсь энергиялөн быдкодь источниккес — эектричество, шонит, газ. Тэ тöдан нийö? Сетны очакыв юасьöммез вилö тэныт отсаласö рисуноккес. Кöдна ны коласись относитчöны эектрическöй энергиялөн источниккес дынö? Мыйезсянь ны коласись керкуас лö шонит? Кысянь босьтсьö газ?



Тöдса я тэныт, что нефть, уголь да природнöй газ лöоны вильсявлытöм ресурссэзөн? Нiя одэжык нето сёрөнжык оз лöö. Этасся, энөн ресурссэзнас пользуйтчöмыс вайötö мусö нятьöсьтöмö.

Но эмöсь энергиялөн альтернативнöй источниккес, кöдна экологичнöйöсь и абу опаснöйöсь. Этö шондi, төв, ва, геотермальной энергия, кöдалөн основанас лöö мулөн потенциалнöй шонит энергия, и биомассаэзлөн энергия, мöднэж, животнöйезлөн да быдмассаэзлөн. Мукöдсö ны коласись используйтам быдлуна оланын. Например, гидроэлектростанцияэз. Эектроэнергия шогмö ва вынсянь, кöда локтö станциялөн специальнöй оборудованнö да уджötö генераторрез.

А эшö колö, медбы быдыс мян коласісь экономитіс ва, сідз кызд запассэс преснöй ваислөн Му вылас нейджитöсь. Öнi ни быдсөн мир пасьтаас 500 000 миллион мортлö оз тырмы ва. Южнöй Африкаын оліссезлö, например, ковсьö куим час гөгөр луннас, медбы öктыны ведра ва. Лыдды, кыным литра ва луннас видзан тэ ас вылат. Лыддикас босьт васö, кöда колö тэныт асывся да рытса ваннöй процедураэз вылö, пиннез весötöм вылö, паськөм песлалөм вылö, сёян лöсьötөм да паньбекөр миськалөм вылö. Кызд тэ думайтан, эта уна? Кызд позьö экономитны васö?



Просто колö шочжыка миссьывлыны! Некөр эг вежörtлы, мыйлö отир миссьывлöны кыкись луннас?



Одзжык пиннез весötөм вылö ме видзлі öддьөн уна ва. Осьта крансö, вада пинь весötан щёткасö, пичка тубикись паста да весötа вит-сизим минута. А ваис сы коста сё лэдзчö и лэдзчö просто сідз. Öнi ме пыр крансö пöднала. Мыйлö ваислö весись лэдзчыны?



А тэ тöдан, кызд да кытись ваис локтö тэнат гортö? Рисуйт схема трубаэзöt ваислись мунöмсö да ысты мянлö электроннöй почтаöt. Отсötсö кор ай-мамытлись.

Ёг

Кывсё, поди, и страннёя, но миян кадё ёгсё нобётём да перерабатывайтём — хозяйственной деятельностиын тёдчана туйдот. Лыдды, кынымись луннас тэ ветлывлан урна дынё, медбы чапкыны ёг. Учёнойезён чулётём исследованнёэзлөн даннёйез съорті, быд лун коста быд морт бёрын кольччё 1 килограмм ёг. А эсса умножит этё цифрасё Кудымкарын оліссез число вылө, да представит, кытшөм керössез ёгись тыртисё бы карсё, ежели сійё эзё новійё бы свалка вылө утилизируйтны да перерабатывайтны.



1 килограмм ёг отік мортсянь?!
Лешак тіянкот, менам учотжык весө!


Пессыны ёгкот — непростой удж. Быд рытё коммунальной службаись уджаліссез нобётёны сійё свалка вылө. А эшө нылө ковсё ветлөтны кар кузя, октыны тротуаррез вылись да туй боккезись ёг, көдө чапалёмась карись невоспитанной оліссез. Мылякө мукөд морттэзыс озё вежөртө, что ёгсё колө чапкыны урнаө, а не му вылө. Кытшөм морттэз дынө относитчан тэ?



Ёгыс Кудымкарас и былись уна. Ме отпырись паркын нельки вундышті кокөс жугдөм стекло вылө тальччөм бёрын. Ошшес отир моз озё ветлөтө көмкөтын. Сэк ме мөді октыны карсис быдөс ёгсё, керны сыыись мортлө скульптура да сувтөтны карись площадь вылө. Поди, асьнысё боксянь казялөм бёрын, мукөдыс дугдисё бы чапавны ёгсё?




А эшö отирыс озö вежöртö, что мукöд вещцесö, кöднö ня чапкалöны, позьö видзны мöдпöв. Тöдан я тэ, что пластикöвöй бутылкаэз сисьмöны муын 100 годся дыржык, а стекляннöйезыс — 1000 годся дыржык?



Менам бабö, например, важ пакеттэз вундалö векнитик шулөккэз вылö да кыйö ныись ковриккэз. А мамö быдöс керкусö баситис дзоридзеззэз понда аскерöм вазаэзöн. Сия вурö бисерөн стеклоись бутылкаэз. Аркмö öддьөн басöка!



Кыз эшö позьö мöдпöв видзны стеклоись да пластикись бутылкаэз, кöртöвöй банкаэз, пробкаэз да мöдиккэз? Юкась миянкöt аслат идеяэзöн. Мединтереснöйезыс лоасö публикуйтöмсь сайт вылын.





Тэкöt мян путешествеиыс помассьö. Ме надейтча, что тэныт вöлі сьöлöмви ветлötны Кудымкариь улицаэз кузя. Öнi тэ тöдан итереснöй факттэз карным йылиьс, кöдаын тэ олан, и öнi ачыт верман чулötны экскурсияэз аслат ёрттэз понда. Кытчöдз, кытчöдз!(Пока, пока!)



Адззисьлытöдз, ёрт!



Аслат виль приключеннёэз йылиьс висьттэз ыстав электроннöй почтаöt Оша-Мишалö да Чудлö. Ния радön ответитасö тэнат быд юасьöм вылö.





Заданнээз вылө правильной ответтээ

Листбок 9 Финно-угорской народдээ дыно относитчоны: бесермяна, венгррез, вепссээ, воль, ижореццез, кареллээ, квеннээ, коми-зыряна, коми-пермяккез, ливвез, манси, мариеццез, мокша, сааммез, сету, удмурттээ, ханттээ, финнээ, финнээ-ингерманландеццез, эрзя, эстонеццез, а сідз жө самодийской народдээ — нганасаннээ, ненеццез, селькуппез, энеццез.

Листбок 16–17 Сьорсьон-бörсьон — роччез; татара; белоруссээ; коми-пермяккез; украинеццез.



Листбок 18–20 Сьорсьон-бörсьон — И.Я. Кривощёков нима парк; граф Строгановвезлөн окружной управленнө; көркөся электростанциялөн керку; окружной драматической театр.

Листбок 30 Сьорсьон-бörсьон — Николай Чудотворец нима православной вичку; Сизимөт лунся Христиана Адвентисттээлөн вичку; Евангельской Вераись Христианалөн религиозной чукорись вичку «Виль завет».



Листбок 34 Көз, пожум да ниапу лыддиссьоны пуээлөн медпрочной породаээсөн, ния етшажык шогалоны грибоккесөн.

Листбок 36 Кудельсө печкө инька, дед кыйө нинкөммез. Горись чугун кысконы ухватоң, пессээ сорлалоны горын гормөччанөн.

Листбок 37 Медодзза керкуэзлön адрессэз: 50 лет Октябрия нима улица, керкуыс 38; Лихачёв нима улица, керкуыс 53; 50 лет Октябрия нима улица, керкуыс 22.

Листбок 42 Медбы не портитны животнöйлись кучик.

Листбок 43 Сьöрсьöн-бöрсьöн — кай; ош; вöрмös.



Листбок 43 Сьöрсьöн-бöрсьöн — шумитись подвеска; пелькытшшез, бляха; лыовöй сынан; пань.



Листбок 44 50 лет Октябрия нима улица, керку 23 вылын.

Листбок 50 Сьöрсьöн-бöрсьöн — постамент вылын фигура; бюст; барельеф; стела; постамент вылын фигура; постамент вылын фигура.

Листбок 53 Судлön керку — Российскöй Федерациялön флаг; челядльön библиотека — петушок; продуктовоёй магазин — продуктаэз; Кудымкар карлön администрация — Кудымкар карись герблön флаг вылын изображеннö; Коми-Пермяцкöй округлön делoэз сьöртi министерство — Коми-Пермяцкöй автономнöй округись герблön флаг вылын изображеннö; шиномонтажнöй — автомобиль; театр — маскаэз; аптека — змея.



Листбок 56 Краснöй горка вылö мунтön сьöрö колö босьтны: свитер, кедаэз, бутерброд, юан, компас, мобильнöй телефон.

Листбок 60 Ур олө гырка пуын ыджытжык позын; көдзыввез — көдзывкарын; ондатра — ва берег дорись позын; кыр — ыждаыс сьёрти учөтжык позын.



Листбок 63 Сьёрсьён-бёрсьён — сыспу; лөз бытшкасись еммеза көз; татарскөй клён; тыпу.



Листбок 73 Популярнөй — 1; классическөй — 2; народнөй — 3.



Листбок 74 Оша-Миша сулалө шөрас.
Мөдик ошшезыс — этө костюммеза морттэз.

Листбок 78–79 Сьёрсьён-бёрсьён — костюмер; осветитель (югдөтись);
буфетчица; художник-постановщик.



Листбок 79 Комедия — 3; музыкальнөй комедия — 4;
трагедия — 1; трагикомедия — 2; капустник — 5.

Листбок 86 Сьёрсьён-бёрсьён — няньпөжались; пимикерись;
токарь; вурсись; пусись.



Листбок 90–91 Автомобиль — банк; морт — школа; самолёт — кымөррез; междугородной автобус — мөдик кар; велосипед — стадион; маршрутной автобус — автобуслөн сувтчанін; ракета — төлісь; Баба-Яга — курөг коккез вылын керкужуг.

Листбок 92 Паром «карбас» — 1; пыжжез-осиновкаэз — 2; гозъя пыжжез-өррез — 3.



Листбок 93 Сьөрсьөн-бөрсьөн — пырны оз позь; опасной чукыль; максимальной скорость сувтөтөм; подөн мунисезлөн вуджанін; өтік ладорө мунөм.



Дополнительная информация

Администрация города Кудымкара
ул. Лихачёва, 54; www.kudymkar.permonline.ru

Министерство по делам Коми-Пермяцкого округа
ул. 50 лет Октября, 33; www.minkpo.permkrai.ru

Коми-пермяцкий краеведческий музей
им. П.И. Субботина-Пермяка
ул. 8 марта, 27; тел.: 4-59-92, 4-50-91
www.subbotin-permyak.com

Окружная библиотека им. М.П. Лихачёва
ул. 50 лет Октября, 12; тел.: 4-12-64, 4-50-67

Коми-Пермяцкая центральная
детская библиотека им. А. Н. Зубова
ул. 50 лет Октября, 25; тел.: 4-65-76, 4-57-33

Окружной драматический театр им. М. Горького
ул. Гагарина, 6; тел.: 4-16-40, 4-16-06

Культурно-деловой центр
ул. 50 лет Октября, 12; тел.: 4-55-72, 4-58-55

Юринский дом культуры
ул. Свердлова, 76; тел.: 5-14-67

Детское творчество

Детская школа искусств
ул. 50 лет Октября, 12; тел.: 4-21-25, 4-52-95

Детско-юношеский центр «Радуга»
ул. М. Горького, 28; тел.: 4-16-91, 4-11-04

Спортивные секции

Плавательный бассейн
ул. Плеханова, 24; тел.: 4-41-94, 4-70-70

Детско-юношеская спортивная школа «Лыжник»
ул. Леваневского, 84; тел.: 4-13-43

Окружная специализированная детско-юношеская школа олимпийского резерва по самбо им. Л. Д. Голева
ул. 50 лет Октября, 12; тел.: 4-59-65

Спорткомплекс ДЮСШ
ул. Строителей, 5а; тел.: 4-22-08

Стадион «Парма»
ул. Свердлова, 12; тел.: 4-77-98

База отдыха «Сказка»
тел.: 4-38-49

Использованная литература

1. Город на Иньве. Кудымкар: Годы и люди // Автор-составитель: Ю.П. Зубов. Пермь, издательство «Горт», 1998 г.
2. Климов В.В. О чем рассказывают имена Пармы. Топонимические наброски // Кудымкар, Коми-Пермяцкое книжное издательство, 2009 г.
3. Коми-пермяцкий автономный округ на рубеже веков // Сост.: Л.П. Ратегова. Кудымкар, Коми-Пермяцкое книжное издательство, 2000 г.
4. Кудымкар: от истоков до наших дней // Сост. Ю.П. Зубов. Пермь, издательство «Горт», 1998 г.
5. Кудымкар. Путеводитель // Авт. коллектив Т.Г. Голева, Л.П. Ратегова, М.А. Федотова. Санкт-Петербург, издательство «Маматов», 2010 г.
6. Наследие Пармы. Наш край: Материалы свода памятников истории, архитектуры и монументального искусства Коми-Пермяцкого автономного округа. Выпуск 9 // Сост.: О.В. Попова. Кудымкар: Управление культуры администрации Коми-Пермяцкого автономного округа, 2005 г.
7. Коми-Пермяцкий краеведческий музей им. П.И. Субботина-Пермяка. Наш Край: Сборник научно-краеведческих статей. Выпуск 10 // Сост.: Е.М. Дунина. Санкт-Петербург, издательство «Маматов», 2000 г.
8. Парма Прикамская, фотоальбом // Сост. А.С. Истомин, Л.П. Ратегова. Кудымкар, Коми-Пермяцкое книжное издательство, 1995 г.
9. Рогов Н.А. Материалы для описания быта пермяков // 2008 г.

Литературно-художественное издание

Менам Кудымкар

книга для детей

Издано по инициативе программы «Кудымкар. Культурная перезагрузка» в рамках программы «Пермский край — территория культуры» при поддержке Министерства культуры, молодёжной политики и массовых коммуникаций Пермского края. Кудымкар, 2011



Автор-составитель:
Елена Истомина



Иллюстрации:
Кристина Лазарева



**Дизайн, вёрстка
и иллюстрации:**
Наталья Макарихина

Консультанты: Лариса Караваева, Светлана Кольчурина, Зоя Лукьянова, Людмила Ратегова, Виктор Рычков, Лидия Рычкова, Сергей Терешенков, Эстер Тот, Валентина Хорошева.

Автор идеи проекта: Эстер Тот, Объединение «kulturAktiv», г. Печ, Венгрия.

Отдельная благодарность за предоставленную информацию
Светлане Азаревич, Сергею Андрееву, Зое Власовой, Маргарите Галкиной, Елене Дуниной, Евгению Екимову, Татьяне Зубовой, Нине Исаевой, Анатолию Истомину, Анатолию Нешатаеву, Михаилу Хорошеву, Тамаре Шиловой и отцу Константину Свято-Никольской церкви.

Редактор: Людмила Ратегова.

При составлении книги были использованы фотографии из фонда ГКУК «Коми-пермяцкий краеведческий музей им. П.И. Субботина-Пермяка».

ООО «Печатный салон «Гармония»
№ заказа 885, тираж 500 экземпляров
614000, г. Пермь, Кирова, 34, тел. 212-82-09



ISBN

ББК 74.266.31 (2-2 Кудымкар)
М74